

禮記章義

禮記章義序一

聖人之經其散佚而不易以章句屬義理其者莫如禮焉禮自周衰籍去聖門之徒以次相傳漢興諸儒三禮各爲專說文分義晰如山川之各辨其脉絡源委然去古既遠制禮之意什失其幾矣朱子彙羣經而集其成禮記有大學中庸章句或問未嘗及全經其餘諸儒互有義解惟崑山衛正叔集說萃聚而決擇之至詳且精乃前明大全僅主元東涯陳氏之集說率綴簡畧特以爲學者科舉之具於聖人節文之意三千三百之數不復講求則夫恭敬辭讓出乎人心之秉彝者亦漸凌微而無可稽也丹陽姜子潛心禮經者久紬繹經傳本諸儒之說排攷其

次第而於大義有所發明爲章義若干卷手自繕錄屢加刪訂終復采入衛氏集說以補其未備嗚呼科舉之舉與三禮尤漫散莫之考究

聖天子網羅羣書鼓勵實學是書必將有采而進之者以此爲肄禮者之所依據綱舉而目張言約而指遠姜子之有功於禮經也不小矣姜子名兆錫字上均庚午與大受同舉於鄉學醇而品方附識於此

康熙五十二年秋九月壬戌嘉定張大受序

禮記章義序二

漢唐以來經生家並經三禮而小戴記單行於學官則自宋熙寧始然鄭氏曰周禮爲本聖人體之儀禮爲末聖人履之朱子曰儀禮爲經禮記爲解冠昏燕射之義禮記與儀禮相表裏而周官六典大之朝廷郊廟小之車旂饗俎一名一物往往錯見於禮記使後之學者參互考訂以知其說故爲禮記之學者其於周禮儀禮探源以窮流則順以達而沿流以測源則逆以阻也夫以荀卿呂覽公孫尼子之書雜然並陳益以漢儒之補綴分之爲二百一十四合之爲八十五又增之損之爲四十九其間純雜互見非若周禮儀禮並爲三代制作之遺而成於聖人

之手也先王之大經大法摧殘剝蝕存十一於千百更歷久遠
羣言淆亂則夫割瑕存瑜彙衆說而究其歸其事綦難而其爲
功不綦大乎姜子上均融澈三禮所著周禮輯義旣爲序而行
之復出禮記章義若干卷曲而中辨而醇支分節解而力爭於
毫釐之間蓋能探周禮儀禮之源以發禮記之旨者

坐天子昌明正學

仰製周易折中首布遐邇易書春秋之經相繼告成或舉是書呈諸
一覽裁而定之庶幾鼓吹羣經而非區區科舉之業弋名釣譽者所
得遊其畔岸也是亦大化翔洽之一徵云爾

康熙己亥立春後五日同里王澍序

禮記序論六則

程子禮序曰：經禮三百，威儀三千，皆出於性，非爲貌飾情也。天尊地卑，禮同立矣。類聚羣分，禮因行矣。人者，位乎天地之間，立乎萬物之上，尊卑分類，不設而彰。聖人循此制爲冠昏喪祭朝聘鄉射之禮，以行君臣父子兄弟夫婦朋友之義，其形而下者，見於飲食器服之用，其形而上者，極於無聲無臭之微。衆人勉之，賢人行之，聖人由之，故所以行其身與其家，國天下者，禮治則治，亂則亂。禮存則存，禮亡則亡。上自古始，下逮五季，實文不泯，而有損益。夫子嘗曰：『郁郁乎文哉！』吾從周，逮其弊也，忠信之弊也，恭讓之弊也。林放問禮之本，孔子欲從先進，蓋所以矯正反不能悉得聖人之旨，文義時有低昂，然而其文繁，其義博，博而約之，亦可弗畔。惟達古道者，能知其言，則禮之所以爲禮，其則不遠矣。

愚按此文見伊川先生文集，而禮記大全載爲永嘉周氏作。未詳其創恭叔在先生之門，錄習此文而集之者，遂以周氏標之與故。今正之而識此。

又曰：禮記除大學中庸唯樂記爲最近道，學者深思自得之，禮記之表記其亦近道矣乎！其言正。

又曰禮記雜出於漢儒然其間傳聖門緒餘及格言甚多如樂記
學記及攬弓表記坊記之類其有至理惟知言者擇之如王制
禮運禮器亦多傳古意若儒行之夸大經解之害義理及圖易
燕居三無五起之說文字可疑

延平周氏曰夫禮者性命之成體本乎道德仁義而為之節文者
也自其本於道德仁義故曰仁者人也親親為大義者宜也尊
賢為大親親之愛尊賢之等禮所生也自其為之節文則道德
仁義反有資於禮故曰道德仁義非禮不成嗚呼此禮之所以
為禮者也夫吉凶之殊軍實嘉之別言不盡於意意必寓於象
存於度數之間者象也見於度數之表者意也所謂意者歸於
性命而已矣書曰天秩有禮自我五禮有庸哉以人廢天聖人
不為惟其天秩所有是而聖人之所庸使天下後世知有尊卑
之分而將為入道之資焉聖人既沒禮經之殘闕久矣世之所
傳曰周禮曰儀禮曰禮記其間周禮為太平之成法儀禮次之
禮記者雜記先王之法言也尚多漢儒附會之喪此學者所宜
精擇也

朱子曰或謂禮記是漢儒說恐不然漢儒最純者莫如董仲舒仲
舒之文最純者莫如三策何嘗有禮記中說話來如樂記所謂
天高地下萬物散殊而禮制行矣流而不息合同而化而樂興
焉仲舒如何說到這裏想必是古來流傳得此箇文字如此

禮記章句附論八則

愚按禮記之謂出於漢儒而朱子又以理約之而為此說何耶考漢書藝文志載曲禮九篇為后倉記而記百三十一篇王史氏三十一篇說者多以為七十子後學者所記又明堂陰陽三十三篇明堂陰陽說五篇說者以為古明堂之遺事也則其非昔漢儒作明堂又考樂記乃河間獻王集諸生采周官及諸子所作又如王制文帝命博士諸生作月令呂不韋令諸生作則諸記蓋多在秦漢之際此所以采自經傳者粹然非漢儒所及而自漢儒附會者或不無借鑒與禮記各有所據以釋之其他篇中雖或雜記四代之制而其言多與儀禮相為表裏但周禮儀禮皆周公所作而禮記則漢儒所錄周禮雖得於河間獻王時無傳之者武帝以為末世遺亂不驗之書何休又以為六國陰謀之書至漢末乃行於世惟儀禮漢初已行故高堂生傳之蓋舊章舊傳之孟卿傳之后者后倉傳之載德戴聖二經因習儀禮而刪錄禮記也

章句句義義理也義理在章句中亦在章句外不舍章句以言義理故首定章句不執章句以言義理故次審義理

書不分章章有失而經亂傳非不析義義有失而經滅滅無一

失猶恐失也况多有失而任之乎故編章義將益以尊經也
舊不分章者畧之也然如檀弓月令管子問明堂位坊記表記
冠昏射鄉各義之屬雖無分章而章段自明其餘或不分章即
豚絡失而義理舛者多矣且如曲禮姑姊妹女子子已嫁而反
當通下父子兄弟二條爲章疑人必于其倫當通下君大夫士
庶各條爲章而舊解皆失其義學者以類推之可見
章之當分有數類有義通爲一篇而豚絡自判者分爲各章止
如一章然也如王制而運禮器祭法祭義祭統學記之屬同源
各委分亦自合如樂記一篇記以前本有樂本樂論樂言樂施
以下十一篇之分而自記合爲一篇今皆不可致矣據文析義
合自須分又有義本非一篇而牽合爲篇者則分爲各章直如
各篇然如經解之天子以下聘義之問玉之屬雖先儒畧其
序次之意而必牽合爲義則鑿矣其他如曲禮少儀以及雜記
小記之屬並多舊章而成而哀公問居燕居等篇今考家語其
互相牽合尤明前當以各篇推之
分章既定折句抑未矣而句之害義猶意也如內則爨糲餽料
沤醢食當爲句周禮自明但此粉下屬一養字耳而舊未之考
乃率以食字另爲一條害豈淺鮮耶
章句雖定而編簡有錯即章句不亂猶亂也錯簡多矣如禮運
禮義以爲紀七句當在譙於禮者也之下而簡錯在漢如射義

篇首之射必先燕節當是領起燕義卿飲酒義之總詞燕義篇首之秋令諸射節當是領起射義之詞而簡皆互錯更害義之尤也

凡此皆義理在章句中若章句正而義理背者則義理在章句外也說義之失記義者指不勝屈而其顯背先聖之禮以立義者尤甚焉如孔氏之不喪出母條降婦人而後行聘條與父昆弟之喪條天子練衣以燕居條其變而之吉祭也條之類今以儀禮考之漢皆可見至其記義之失經義者則畧見於程朱及諸先儒矣

學者推義理於章句中又求義理於章句外章句末也義理本也不薄章句而後不困於章句不從義理而後不越于義理章句義理交得而經庶得矣故編章義將益尊經也兆錫又識

禮記章義目錄

卷之一

曲禮上

曲禮下

卷之二

檀弓上

檀弓下

卷之三

王制

月令

卷之四

曾子問

文王世子

禮運

卷之五

禮器

郊特牲

內則

卷之六

玉藻

明堂位

喪服小記

大傳

少儀

學記

卷之七

樂記

雜記上

雜記下

卷之八

喪大記

祭法

祭義

祭統

經解

卷之九

哀公問

仲尼燕居

孔子閒居

坊記

表記

緇衣

奔喪

卷之十

問喪

服問

閒傳

三年問

深衣

投壺

儒行

冠義

昏義

鄉飲酒義

射義

燕義

聘義

喪服四制

布衣除學庸章句今訂為章義如左或問學官舊有元東漢陳氏禮記集說而述世於集說外別為編者亦夥矣今又訂為此編阿也口道在尊經也尊經何也曰將推其編而致其精也夫周禮儀禮經也禮記明傳也而自宋臨寧以來禮記與易書詩春秋並立學官可以傳經而後之明傳者凡以明經也故官禮義自周公聖定之自七十子後述至秦漢之際凡王

史氏后倉及陰陽明堂與諸記篇之家述爲之記漢興得其書猶多至二百有四篇其後二戴述刪爲八十五篇與四十九篇之書矣又注以鄭氏疏以唐孔氏凡歷代學禮者各鳴其說而元陳氏復集之馴至明儒彙爲大全亦轉相輔益也凡皆推其蘊也而或有未推則其蘊塞也然大全諸家斷必無背於陳氏鄭孔莊疏斷必無乖於諸記而諸記又斷必無謬於周孔也凡以致其精也而或有未致則其精又雜也昔周子之通易也曰聖人之精盡卦以示又曰聖人之蘊因卦以發故文之後天非兼之先天孔之仁義禮知非文之元亨利正然推之而不雜者精與蘊互相足也今考東澗集說雖備而朱崑山衛湜集說之百十六卷及國朝成德集說補正之三十六卷其造蘊之當補者不乏矣至其間章句混淆簡策錯互而其文遼義舛至與周禮儀禮背而馳者又不一而足也則亦豈所謂致精者耶恭遇熙朝修明典章禮樂明備而某叨沐春官涵育之澤番數十載竊以山中閒暇補註十三經未備傳誦而於三禮又加謹焉今周官義已深荷海內有道之士翕然獎借而此編頗討論精蘊以補東澗之闕畧他日更將儀禮輯傳反復潛體以卒遺業庶先聖之大經大法不至淪蕪而於國家翼經明道化民成俗之意或未必無少裨云泃丹陽姜兆錫謹題於鶴溪書屋

禮記卷之一

曲禮上第一

經曰曲禮三十言節曰委前書多如是也此

故卽以名篇後人以編簡多又分

我兩點自曲禮入朱子曰古者八歲入小學若曲禮少儀

內則弟子職諸篇乃

小學之支流餘裔也

曲禮曰毋不敬儼若思安定辭安民哉

毋禁止辭程子曰主一之

毋不敬是統言主宰處也儼若思敬者之貌安定辭敬者之言安

民則敬者之效也此乃修身之要焉政之本若子修己以敬而其

效至於安人安百姓蓋以是也○北溪陳氏曰敬者一心之宰萬

事之本人心出入無時莫知其鄉惟敬則心存萬理便森然於中

古人謂敬者德之聚此也范氏曰禮記三百曲禮三十可以一言

蔽之曰毋不敬真氏曰曲禮篇爲禮記之首而毋不敬句爲曲禮

之首蓋敬者禮之綱領也毋不敬者謂

身心內外不可使有一毫之不做也

○教不可長欲不可從志

不可滿樂不可極

放去聲長上聲從縱同樂音洛○此章與丹書

相表裏教不可長所謂敬吉而忘滅也欲不可

一

從所謂義從而欲因也。然但放哉。即志亦不可滿。滿則必覆。豈但欲哉。即樂亦不可極。極則生悲。蓋分言之。敬義夾持以進。而統言之。祇一敬也。○朱子曰。此篇雜取詩書精要之語。集以成篇。雖大意相似。而文不連屬。如首章四句。乃曲禮古經之言。故不可長以下。不知何書語。又自○賢者狎而敬之。畏而愛之。愛而知其惡。憎爲一節。皆禁戒之詞。而知其善。積而能散。安安而能遷。此即賢者以示人。平情之用。崇之也。下安與論語懷居之居相似。謂意所便安處也。朱子曰。賢者於所狎能敬之。於所畏能愛之。於所愛能知其惡。於所憎能知其善。雖積財而能散施。雖處安而能徙義。凡○臨財毋苟得。臨難毋苟免。狠毋求勝。分毋求多。雖其聲狠。胡想反。○毋苟得。見利思義。也。毋求多。不患寡而患不均也。○此章言利害之機。至爲切實。而充其極。即君子懲忿窒欲。成仁取義之道。不外乎是。乃義之大用。而學者所○疑事毋質。直而勿有。朱子曰。兩句須連說。疑事毋質。宜留意也。○疑事毋質。直而勿有。即少儀所謂毋身質言語也。直而勿有。謂陳我所見。聽彼決擇。若據而有之。專務強辯。則是身質言語矣。按上數章。皆言敬義之德之意。雖不言禮。而禮之全體大

月具是矣自此以下或雖言禮之節目或統言禮之指歸○若夫
或指言禮之本質至人生十年以下乃卽禮而類言之也○若夫
坐如尸立如齊夫音扶齊齊同○尸謂祭時之尸其生必莊故坐
朱子曰劉原父云此乃大戴禮曾子事父母篇之詞曰孝子惟巧
變故父母安之若夫坐如尸立如齊弗試不言言必齊也此成人
之善者也未得爲人子之道也此篇蓋取彼文而若夫二○禮從
字失於刪去鄭氏不知其然乃以大爲丈夫之事誤矣○禮從
宜使從俗使去聲○從宜者合於時宜從俗者因乎上俗也呂氏
疑無窮應氏曰五方皆有性于○夫禮者所以定親疏決嫌疑別
里不同風所以入國必問俗也○夫禮者所以定親疏決嫌疑別
同異明是非也辨天下之理使各得其當也定親疏如五服有精
疑重輕之類決嫌疑如男女不親授受嫂叔不通問之類別同異
如車服器用有等級服制有奇耦之類明是非如髡純從衆
拜上違衆之類凡皆因其理之自然而爲之故曰禮者理也○疏
曰定親疏者若五服之內大功以上服尊者爲親小功以下服精
者爲疏是也決嫌疑者若妾爲女君期而女君爲妾報之則太重
降之則嫌舅姑爲姑故不爲之服是爲決嫌疑若孔子之喪門人疑

所服子貢請若喪父而無服是為決疑也別同異者若本同今異
為姑姊妹本異今同為世母叔母及子婦之屬也明是非者得禮
為是失禮為非若主人未小斂子游楊裘而弔為得禮曾子襲裘
而弔為失禮也愚按前後章多言禮之節曰而此章特言禮之指
歸諸篇言禮皆漸於此乃五禮之綱維萬事之總會也疏姑引服
制以例言之讀者勿以辭害意則得矣後凡引以明例者放此
○禮不妄說人不辭費說悅同○禮以遠恥辱邦家必違可也豈
大禮不踰節不侵侮不好狎好去聲○踰節過於禮侵侮奸狎不
禮如是乃守其齊莊中正而遠於恥辱矣○應氏曰不妄說人不
辭費所以養其正大簡易之心也不踰節所以致其審謹密察之
功也不侵侮不好狎所以持其莊敬純實之誠也○修身踐言謂之善行行修言道禮之
寶也信行篤敬也忠信之人可以學禮故為禮之本實此與臨首
諸章敬義之旨同○禮聞取於人不聞取人禮聞來學不聞往教朱子曰
之意皆同○禮聞取於人不聞取人禮聞來學不聞往教此與孟
子治人治於人食人食於人語意相類取於人者為人索取法也
後蒙求我朋自遠來是也取人者人不來而我引取之也我求重

致好為人師是也禮有取於人所以 ○道德仁義非禮不成

彼有來學無取人所以我無往教 道德猶得也行道而有得於心

事物當然之理人所共由故謂之道德猶得也此皆非禮不成者禮

以敬為本敬教訓正俗非禮不備立教於上示訓於下凡以正民

者德之聚也 敬訓正俗非禮不備 俗也而齊之必以禮故非禮不

備 分爭辨訟非禮不決 爭見於事分則曲直不相蒙訟形於言辨

非禮 君臣上下父子兄弟非禮不定 君臣上下主於義父子兄弟

定 官學事師非禮不親 官仕也仕與學皆有師事師所親班朝治軍

班官行法非禮威嚴不行 朝音潮 ○班朝者正朝位治軍者齊軍

則利威而人不敢犯有義而人 禱祠祭祀供給鬼神非禮不誠不

不敬違故非禮則威嚴不行 禱祠祭祀供給鬼神非禮不誠不

莊 神也禮則誠本於心莊見於貌故非禮則不誠不莊 是以君

子恭敬擗節退讓以明禮 擗節抑之意所謂禮主其誠也恭敬

禮已曲禮上 卷一 三十一

為本構節退讓為用
此結上文之意也
○鸚鵡能言不離飛鳥猩猩能言不離禽獸

今人而無禮雖能言不亦禽獸之心乎夫惟禽獸無禮故父子聚

麀離去聲夫音扶鹿音似○鸚鵡鸚鵡鳥屬蜀嶺南皆有之猩猩人

面豕身出交趾封谿等處不離禽獸鹿植本作走獸一云禽者

鳥獸之總名故猩猩通稱禽也聚猶其也獸牝曰鹿是故聖人作

父子且然況其他乎其言人之不可無別於禽獸也朱子曰聖人作絕句○

為禮以教人使人以有禮知自別於禽獸作猶易象所謂聖人作

也為猶制也有禮如父子○太上貴德其次務施報尚往來

往而不來非禮也來而不往亦非禮也但貴其德施於人不貴其

報也其次謂三王之世此推言禮之因時而起非重德而輕報施

如老氏之見也蓋德不務報而禮則以報施為主德言其心禮言

其理○人有禮則安無禮則危故曰禮者不可不學也禮者安危

所係自天

千至於庶人未有

無禮而安者也夫禮者自卑而尊人雖負販者必有尊也而況

富貴乎

夫音扶。○貧者事干力。臥者事於利。言雖卑賤者不可無禮以引言之也。

富貴而知好禮則不

驕不淫貧賤而知好禮則志不懾

好去聲。懾之涉反。○承上文以總言之也。馬氏曰富貴所以驕淫貧賤所以懾怯以內無繫定之分而與物為輕重也。好禮則有

得於內而在外者莫能奪矣。愚按自道德仁義章至此。極言禮制之所關者大而為人所宜。○人生十年曰幼學。二十曰弱冠。三十曰壯。有室。四十曰強而仕。五十曰艾。服官政。六十曰耆。指使。七十曰老。而傳。八十九十曰耄。七年曰悼。悼與耄雖有罪不加刑焉。百年曰期頤。冠去聲。○朱子曰十年曰幼。幼學字句下。至百年皆然。

呂氏曰艾髮蒼白如艾色也。仕者為士以事人治官府之小事。服官政者為大夫以長人與聞邦國之大事。蓋才可用則仕。德成乃為大夫也。耆者積久之稱。其力減。惟以指意使令於人。老則無能為矣。故傳家事於子也。耄者知全數而已。昏悼者知未及而可憫。故皆設期頤節節也。頤養也。人壽以百年為期。至是以往飲食起居推待養而已。大夫七十而致事。若不得謝則必賜之几杖。此以下

曰老之意也。致還也。謝如辭謝之謝。行役以婦人適四方。乘安車。凡所以憑杖所以倚賜之使自適也。疏曰婦人能養人故許自隨。古者四馬之車皆立乘安車則一馬之小車坐而乘也。自稱曰老夫於其國則稱名。呂氏曰。老。天長者之稱。其國稱名者。父母之邦不敢自居尊也。越國而問焉必告之以其制。越國來問者以其年高德劭也。必告以制者禮以文獻為徵也。此章備言人生老幼始終之節以起下各章事親敬長之禮也。

○謀於長者必操几杖以從之。長者問不辭讓而對。非禮也。長上

平聲○謀於長者謂就而謀議也。不辭讓為非禮。明當辭讓也。應氏曰操几杖以從非謂長者所無也。執弟子之役其體然耳。○此章言事長之禮。

○凡為人子之禮冬溫而夏凊。昏定而晨省。在醜夷不爭。甯七姓反。○為人子謂父在時也。後皆放此。惟為人子者安毋存。而敬存歿而言耳。溫以禦寒。凊以致涼。定其衽席省其安否。此四者正言孝之事也。醜夷平也。猶言同類也。一朝之忿忘其身以及其親故一於違讓此推言孝之理也。夫為人子者三賜不及車馬故州閭鄉黨稱其孝也。兄弟親戚稱其慈也。僚友

稱其弟也。執友稱其仁也。交遊稱其信也。

不及謂不敢受也。周禮

受服三命受位至受位則有車馬之賜而備尊貴之體矣。今不及車馬者若之有賜所以禮其臣子之不受不敢踰於親也。二十五家爲閭。五百家爲黨。五黨爲州。五州爲鄉。州閭鄉黨稱其孝而餘皆稱其慈弟仁信者孝之所該者大猶孝經不敢慢不敢惡之意也。慈猶愛也。僚友同官者執友同志者交友則泛言來往者而已。○孔氏曰坊記云父母存饋獻不及車馬蓋車馬重器也親所無子不敢受於人親所有子不敢予於人辟親而不敢加奉親而不敢專其義一也。事宗子者不敢以富貴人宗子之家雖衆申徒以寡的人庶子正於公族雖三命不踰父兄也。况父母乎。知此則事親之意誠矣。朱子曰左傳魯叔孫豹聘於王王賜之路豹以上卿無路而不敢乘疑此亦謂受而不敢乘耳。若尊者之賜又得祿所當得豈容獨辭而不受耶。

見父之執不謂之

進不敢進不謂之退不敢退不問不敢對此孝子之行也。

○行去聲

執謂父同志之友也謂命也敬之同於父也此以上亦推言之也。

夫爲人子者出必告反必面所

舉必有常所習必有業

○音谷。出則告違反則告歸遊有常謂身不他往習有業謂心不他用方氏曰

常者慮貽親之憂有恒言不稱老恒常也。不稱老者嫌與同於親

樂者慮違親之志也。恒言不稱老且恐親覺其過老也。古老萊子

為童子於親前者以此而已。此以上所習必有業。○年長以倍則

本推言之餘皆正言之也。○此章言事親之禮。○年長以倍則

父事之十年以長則兄事之五年以長則肩隨之。倍並上聲。○以

鄭氏曰。人二十曰弱冠。有為人。居五人則長者必異席。古者地

父之禮也。肩隨並行而差退也。○為人子者居不主與坐

席者四人長者居席端若五人會則長。○為人子者居不主與坐

者一人異席也。○此章又言事長之禮。○為人子者居不主與坐

不中席行不中道立不中門。必隅行必循左右之列立必避樞闔

之中皆不敢。食饗不為概祭祀不為尸。概音蓋。○食饗通言奉養

居尊之意。食饗不為概祭祀不為尸。賓祭之類概謂限量之也

不敢口為限者欲順親之志不敢遂為尸者欲全親之尊。呂氏曰

尸取主人之子行而已。若以主人之子是使父北面而事之。人子

所不聽於無聲視於無形。謂先意承志也。疏曰常於心想不登高

安也。聽於無聲視於無形。像似見形聞聲將有敬使然也。不登高

不臨深不苟訾不苟笑。訾音紫。○登高臨深為其危也。呂

氏曰苟訾近於讟苟笑近於詔。孝子不

服闋不登危懼辱親也

服闋疏謂行事於瞻中也陳註服闋者其

樂陳氏曰父母全而生之子全而歸之不特當不特笑不

服闋所以全其行不登高不臨深不登危所以全其體也

父母存

不許友以死不有私財

藏氏曰髮膚以上皆親之體絲粟以上皆親之物高者輕死卑者重財皆非孝也

為人子者父母存冠衣不純素

孤子常室冠衣不純素

父後者冠衣之錄皆謂之純素因采吉不忍混也呂氏曰不純

采雖尚喪猶純素也惟當室者行之○此章又言事親之禮

幼子常視毋誑

視示同誑舉况反○母

不傾聽

去聲○方舊謂猶向也喪之溫非其所宜喪之儉非其

以養其

長者與之提攜則兩手奉長者之手負劍辟咷詔之則掩

口而動

也劉氏曰長者或從童子背後而俯與之語則童子如負

長者然或引手扶童子於脅下則又如帶劍然也辟偏也口旁謂

手摩從於先生不越路而與人言遺先生於道趨而進正立拱手

先生與之言則對不與之言則趨而退從去聲下同○先生問師

以禮進退皆敬也○呂氏曰先生本父兄之稱有德齒可為人師者猶父兄也故亦稱先生而學者比於子弟也從長者

而上正陵則必鄉長者所視登城不指城上不呼上鄉呼進去聲

○高爲上平爲

上鄉呼進去聲

○高爲上平爲

上鄉呼進去聲

上鄉呼進去聲

上鄉呼進去聲

視瞻毋回戶開亦開戶闔亦闔有後入者闔而弗遂奉上升屬古

不舉目也門闔本曰扇兩手當心如奉扇然也視瞻不回謂者嫌

于人之私也開闔皆如前者恐違主之意也遂者闔之盡也闔盡

則疑於拒母踐屣母踏席振衣趨隅必慎唯謂首搖振若僕切

後客矣爲單下曰屣踐屣謂踞先脫者之屣也踏猶躍也玉藻登席不由

前爲闔席是也振衣猶論語掃齊之義欲便於坐故振之趨謂

由席角而升坐也○大夫士出入君門由闔右不踐闕此章言君臣之體

東爲右明堂之左右自內而言此及下章之左右皆自外而言也

禮主人入門而右客入門而左今以臣從君不敢以賓敵主故由

右也闔○凡與客入者每門讓於客客至於寢門則主人請入爲

門限也議於客令客先入也爲

席然後出迎客客因辭主人肅客而入布也疏曰天子五門諸侯

三門大夫二門禮有三辭初曰禮辭再曰固辭主人入門而右客

三曰終辭呂氏曰俯手以揖曰肅所謂肅拜也

入門而左主人就東階客就西階客若降等則就主人之階主人

入門而左主人就東階客就西階客若降等則就主人之階主人

固辭然後客復就西階入右以趨東階入左以趨西階若客辭固

辭主人與客讓登主人先登客從之拾級聚足連步以上上於東

階則先右足上於西階則先左足拾音竭○登謂升階也主先而

云拾當為陟也級階級也聚足者後足與前足相合連步者後步

與前步相繼先右先左各取相向也○此章亦言賓主之禮也前

章言適舍上堂入戶之節而不言出入升降○帷薄之外不趨堂

上不趨執玉不趨堂上接武堂下布武室中不翔疏曰帷幔薄簾

氏曰文者上之道武者下之道故足在體下曰武卷在冠下亦曰

武接連布舒也翔張拱也帷薄之外不趨不必趨也執玉不趨不

敢趨也堂上下不趨室中不翔不可趨不可翔也朱子曰帷薄之

外無人無庸趨以示敬堂上地迫室中地尤迫故不趨不翔也

並坐不橫股授立不跪授坐不立不橫股恐妨於並坐不跪不立

恐妨於相受○此章通言凡起

之禮也

○凡為長者奠之禮必加帚於箕上為去聲○奠除穢也

少儀席前曰蒔義

問言初持筴往時將筴以袂拘而退其塵不及長者拘音溝又如

筴上以兩手持筴也字○拘音溝又如

言席時則暫釋其一手提筴一手以袂拘以筴自鄉而扱之鄉去

障於帝前且歸且還令塵遠於長者也

並同扱音扱○言席畢則又以筴自鄉扱取糞穢而不鄉長者也

○王氏曰學者須是下學而上達流席應對即是道德性命之理

此章所言僕之禮學者試體究此時此心如孟子曰居處恭執事

敬與人忠不可棄也學者只是說過試以此體之斯知上達之理

矣舉入之道無本末無精微徹上徹下即是理思按程子云灑掃

應對進退直是上達天德王氏此條蓋發明其義也○此章言糞

者於長○奉席如橋衡奉上聲橋橫同陳註作如字○孔疏曰橋

者之禮○奉席如橋衡非上枯桿也所奉席如橋之橫也陳註曰

如橋之高如衡之平請席何鄉請枉何趾席坐席也故問而向何

也今按疏說為順方枉卧席也故問足向

何方疏曰坐為陽面亦陽也卧為陰是亦陰也○席南鄉北鄉以

故所請有不同○此章言布席於長者之禮○席南鄉北鄉以

西方為上東鄉西鄉以南方為上宋子曰東向南向之席皆尚若

非飲食之客則布席席間兩丈西向北向之席皆尚左也若

客也西猶容也疏曰古者飲食燕

坐位在牖前列席南向不相對相對者惟講席而已席制廣三尺
三寸三分寸之一兩席相對中間相去使客一丈之地文王世子
云凡侍坐於大司成遠近間三席是也一云兩席并
中間空地其一丈者非○此承上章聚言布席之禮○主人跪正

席客跪撫席而辭客徹重席主人固辭客踐席乃坐重平聲○跪正席敬也撫

者以手按止之也此容言坐也徹重席謙不敢居也主人不問客

客踐席將坐主乃坐者致其敬也此主答客也不先舉時主問客乃答也將即席容毋怍兩手握衣去齊尺示毋

撥足毋蹶齊音咨蹶音厥劉氏曰將就席須詳謹客儀毋使有作父以手拂衣兩旁使地離下齊一尺以免觸地也坐

後更整齊前材不使撥開而其膝欲離復不使蹶動失容也古人

以膝坐漢晉寧所坐木榻至歲久當膝處皆穿蓋以此與○此又

言賓主就席之禮○先生書策琴瑟在前坐而遇之戒勿越坐亦跪也跪而遷移戒勿

踰越敬之至也虛坐盡後食坐盡前坐必安執爾顏說之席食坐則飲食

之席也盡後者致敬盡前者致潔也玉藻云徒坐不盡席尺謂者
食則坐與席盡古者俎豆鋪於席前之地去席尺若坐或後則恐

汚席矣

長者不及母僂言正爾客聽必恭隱七紐切參去聲

言未竟而繼以他事也前以面母勸說母省同必則古昔稱先王

勸初交反○擊取他說以為已有謂之勸說如勸物而係據之也

附和人言而無確見謂之雷同如雷發而同應之也惟法則古昔

稱述先王侍於先生先生問焉終則對請業則起請益則起問終

乃為拜耳對欲其聞其旨且不取亂其言也請業者求常習之事請○父召

益問未盡之端起以致敬也○此章言侍師長之禮○父召

無諾先生召無諾唯而起唯上聲○父以恩師以道故敬同也深

侍坐於所尊所尊敬通謂先生長者之屬餘猶無餘則親切

而應對齊也見同等不起燭至起食至起上客起○

太輅不式之也燭至則時發食至則禮行上客至則非同等○

燭不見也見者現其音際○古無燭燭照以火炬故其本尊客之

前不叱狗

恐駭客

讓食不唾

唾吐卧反○嫌部主饌也○此章類言接賓主之禮

○侍坐於

君子君子欠伸撰杖履視日蚤莫侍坐者請出矣

莫暮通○氣乏則欠體疲則伸

解猶持也四者皆厭倦之容恐妨其就安故請退也

侍坐於君子君子問更端則起而對

有所變而起敬也

侍坐於君子若有告者曰少間願有復也則左

右屏而待

問音報復音服○復白也言欲少空間有所白也異猶退也左則屏於左右則屏於右呂氏謂不敢干其私也

○此章言侍君子者進退應對之禮

○母側聽毋噉應毋淫視

噉咄同○噉而急也淫視則邪此歷言耳目口諸官也

聽則慢應必和噉應則戾視必正

遊毋倨立毋跛坐毋箕寢毋伏

倨音據跛音秘○遊行倨慢也跛一足偏任也其兩足狀如箕舌也伏猶覆也此通言行止坐卧也

敝髮毋跽冠毋

免勞毋袒暑毋褰裳

免音皆○以髮益髮曰髡古者髡髮以繼不使垂如冠也免註謂去也疏謂冠常在首不可去也袒露也褰揭也或袒其褻衣或袒而刮體或涉淺而揭裳

之類皆有故為之若勞而袒暑而褰皆褻也此又言冠服之屬也

○此章通言凡人侍坐於長者履不上於堂解履不敢當階以

容止服御之禮○侍坐於長者履不上於堂解履不敢當階以

履升於堂以長者在堂故也惟長者在室則履乃得升堂矣前章

戶外有二屨是也解脫也謂屨有恭繫脫之也不敢當階蓋以妨

後升就履跪而舉之屏於側鄉長者而履跪而還履俯而納履

音屏者與就履跪而舉之屏於側鄉長者而履跪而還履俯而納履

丙○此條舊多疑義註曰就履謂獨退也就猶著也鄉長者而履

謂長者送之也疏曰若侍者獨暫退而就履則往階畔跪取履屏

退而不致當階若侍者禮畢而退為長者所送則就階側跪取履

稍徙近前而納足著之也所以俯納而不跪者跪則足向後而不

便納蓋亦坐左納右坐右納左而已愚按註疏如此是納履有二

禮也宋子則云註謂長者送之恐非是但謂雖降階出戶猶向長

者而不致背耳味朱子之意是侍坐無長者送之之禮第降階就

履而不背之也長樂劉氏又云解履必不當階取履必屏而跪避

納履必向長者還之必跪納之必俯脫之必主人先左賓先右納

之必坐左納右坐右納左脫納有議如此味長樂之意是履

之脫納類必如此亦不言有二禮也且據疏所引坐左納右坐右

納左者出於玉藻篇侍坐於君之禮疏云以事上事長其禮豈同

而跪脫俯納者亦必左右以次坐納爾今考玉藻篇云退則坐取

履懸筵而後履坐左納右坐右納左坐與跪同是知屏側隱避之

特未嘗不跪而左右坐納也其必跪還而左右跪納者以身跪
屏側而面必向尊也歷考諸說則本文向長者而履合屬上文跪
舉屏側爲一條而跪還二句則申上文之詞並非侍坐納屨而有
二禮也蓋此及玉藻篇互文起義禮畢退去而跪而取屨屏於其
側者乃以明不賓賤者之義而必以身向長者而履者又以示不
背尊者之意即玉藻所謂還則坐取屨隱迷而後履也其所以跪
而還屨俯而納屨者舉屨時兩屨在手至屏側納屨必先置地然
後漸次跪而遷移而左右俯身坐納之亦即玉藻所謂坐左納右
坐右納左也傳說不味其互文相足乃硬以暫退而就屨與禮畢
長者送之而履分爲二禮如其說一則徒有跪舉屏側而無還屨
納屨之文一則直以還屨納屨而別指爲向長者而履之禮義固
難通况各經文及朱子陳氏之說不可悖哉學者詳之○此章言
侍長者脫屨
○離坐離立母往參焉離立者不出中間方氏曰兩相
納屨之禮

離三相成之謂參疏曰往參恐干其私也應氏曰出其中
間則立者必敗而不成列矣○此章汎言凡坐立之禮
○男女

不離坐不問櫛栴不同巾櫛不親授櫛音移栴架同○雜亂也櫛

以理髮凡此皆當遠嫌也呂氏曰不離坐經雖無文然喪祭男女
之位男在堂女在房男在堂下女在堂上男在東女在西坐亦當

如之嫂叔不通問諸母不漱裳問問遺也諸母謂父妾之有子者

也蓋以外言不入於梱內言不出於梱梱門限也內外有限故女子

許嫁纓非有大故不入其門許嫁則雖以纓示有所繫屬之義姑

姊妹女子子已嫁而反兄弟弗與同席而坐弗與同器而食父子

不同席女子子重言子者男子女子皆男女之通稱故重言子以

謹也父子亦不同席者嫌疑雖非施於父子然禮有不得廢也兄

其他哉鄭氏曰兄弟弗與同席同器雖未嫁亦然也呂氏曰父

子不同席承上文而言父子之間雖男子有不同席况女子已嫁

而父子恩嚴本節首言姑姊姊女子子句故下以兄弟父子分疏

之如此姑姊亦父子之屬也而陳註父子不同席句徒以尊卑異

等釋之則於上下文義未屬而考諸內則復與父州在子雖老不
別嫌明微之禮○男女非有行媒不相知名非受幣不交不親

故日月以告君齊戒以告鬼神為酒食以召鄉黨僚友以厚其別

也齊齊同食音嗣別音離○行媒謂媒氏往來也名者男女之名

也受幣然後親交之禮成而分定矣日月謂娶期者媒氏書以

告其君也厚之言重也也也男女有別慎諸始也取妻不取同姓故買妾不知其姓則卜

之取娶同○不娶同姓為其近禽獸也妾則輕於妻矣然亦卜

之者欲審其吉凶以辨同姓與否也○此章捐膏婚娶之禮○

寡婦之子非有見焉弗與為友見音現○有見謂才能表見於人

也若非有好德之實則難以港好

邑之嫌故取友者謹之○此○賀娶妻者曰某子使某聞子有客

亦前章別嫌明微之遺也○使某辭呂氏曰賀者以物遣人而有所慶也若代以為先則後

序也是也然為酒食以召鄉黨僚友則問遺不可廢也故其辭如

此蓋舍曰昏禮而謂之有客是特位其供具而已非賀也記者殆

因俗而名以賀兵○此○貧者不以貨財為禮老者不以筋力為

禮章言婚娶問遺之禮○此章言行禮之變○名

應氏曰無財不可以為悅而財非貧者所能備非強有力

者不足以行禮而力非老者所能勉○此章言行禮之變○名

子者不以國不以日月不以隱疾不以山川命名有五如左傳名生為信德命為義之

類是也國若晉侯周衛侯晉曰月若殷甲乙丙丁隱疾若黑臂黑

以山川若獻武具放五者非以示教且常語避諱難也左傳云不

以官不以山川不以畜牲則廢祀以器幣則廢禮也男女異長長去

各為伯仲示男子二十冠而字冠去聲○冠而父前子名君前臣

不相干之義呂氏曰事父者家無二尊雖母猶不得以抗故父前無長幼皆

名不敢私敬於其長也事君者國無二尊雖父猶不敢以抗

故君前無尊卑皆名不敢致私敬於所尊也春秋鄆陵女子許嫁

之祿樂書欲載晉侯其子鍼曰書退此為君前臣名也女子許嫁

冠而字許嫁則十五而笄宋許嫁則二十而笄○此章類言稱名之禮○凡進食之禮左殺右截

食居人之左羹居人之右膾炙處外醯醢處內菹醢處末酒漿處

右以脯脩置者左胸右末戴音恣食居之食音剛多音拓深音荷

白處內以上與公會大夫之禮同肉帶骨曰胾純肉切曰臠臠切

曰膾炙炙曰炙胾左肉右分剛柔也飯左羹右分燥濕也膾炙飯

之是故居殺蔬之外。膳饗食之主。故居殺蔬之內。慈藥亦直類是。為加豆。故處席末也。或酒或漿。又處羹右。若兼設則又左。處酒右。處漿也。疏曰。脯訓甫。甫作即成也。脩訓治。治之乃成也。薄折曰脯。推而施。蓋柱曰殿。脩仲曰脰。中屈曰脰。邊際曰末。呂氏曰。食脯脩者。先末故右之也。自此至削瓜。節通為一。○客若降等。執食與辭。主人興辭於客。然後客坐。此降等謂爵降於主也。公食大夫。聘臣大夫於卿士。於大夫則若降而不遽降。故起而致辭。若欲食於堂下。然亦致辭乃就坐也。主人延客祭祭食。祭所先進殺之序。徧祭之。每品出少許以祭。先代始為飲食之人。必主導之。乃祭也。食也。胡氏曰。黍稷稻之屬。祭所先進者而已。若殺之序。則以次徧祭也。殺鄭謂通。載膾炙而言也。呂氏謂導指般而言。如舉幹舉酪。舉肩之屬也。○朱子曰。古人祭酒於地。祭食於豆間。有板盛之。卒乃徹去。王氏曰。客卑一幾於主。食至則必興。鮮祭則不敢先舉。載殺則不三飯。主人延客食。載然後辨殺。辨殺先當先飽。若客敬則不然。三飯。主人延客食。載然後辨殺。辨殺公食。大夫篇賓三飯。以清饗。鄭註。餘飯。敬指以殺。捕饗食正飯。即

此也必三飯後乃專食蔬茹以主人未辨客不虛口疏曰虛口謂

飯為加也食飯後乃相食飯矣主人未辨客不虛口疏曰虛口謂

使潔反安食也用醬曰漱以清為義川酒曰醕醕訓酒以清養

為義○此以上言降等主賓燕食之禮也按文義後文卒食一條

當在此節之○侍食於長者主人親饋則拜而食主人不親饋則

下說見下文○侍食於長者主人親饋則拜而食主人不親饋則

不拜而食饋進饌也鄭氏曰侍長者食耳雖卑不得執食與辭拜

禮也與御同於長者雖卑不辭同義○此言侍食於長者之禮按

文此與後文卒食一條互錯若以此條次於後文侍飲於長者

而後文卒食一條次於上文客○其食不飽其飯不澤手飯

下飯飯同餘並去聲○呂氏曰食非一品也則止飯而毋搏飯

己其食而求飽非讓道也其飯而手有汗澤人將惡之矣毋搏飯

毋族飯毋流歔歔冒悅反○疏曰取飯作禮是乎多也母咤食母

謂母反魚肉母投與狗骨母固獲咤咤去聲說音孽○口舌作

曰養惡其狀也反於器恐惡己之口為穢也投請責恐

賤主之物為穢也求之堅曰固得之難曰獲故備戒之母揚飯飯

賤已而轉上卷一七

忝母以箸箸音住○揚者以手散熱氣也母揚母噤羹母絮羹母

刺齒母歡醢客絮羹主人辭不能享客歡醢主人辭以羹噤音指

反享烹通○用口取食曰噤就器和羹曰絮取物治齒曰刺舍羹

物治齒故母刺客或絮羹則主辭以烹無法客或濡肉齒決乾

肉不齒決母噤羹噤是噤反○濡肉散裁之類乾肉脯脩之類決

之細○此以土傳言○卒食客自前跪徹飯齊以授相者主人與

辭於客然後客坐齊音同相去聲○自從也齊音屬也飯齊皆主

然也○此條當在前文客○侍飲於長者酒進則起拜受於尊所

長者辭少者反席而飲尊所謂振持之所如鄉飲禮尊於房戶之

氏曰古之飲酒賤長幼必以大編鄉飲酒禮下之者樂工及

笙無不與獻特牲饋食禮賓兄弟弟子公有司私臣獻亦如之而

鄉飲之屬不拜受於尊
所豈禮與侍飲異與
長者舉未酬少者不敢飲
而飲者從其命也
未酬不飲者謂長者賜少者賤者不敢辭
乎節也
○此言侍飲於長者之禮也
賜通謂凡受賜之類
辭而後受者主則然非少賤事尊貴之道也
○此通言侍飲食於長者之禮
按文義後文御同於長者三句亦
當通此
○賜果於君前其有核者懷其核
敬君賜故御食於君君
賜餘器之溉者不寫其餘皆寫
御食謂君食而臣勸侑也君賜以
即食之或難於洗滌如編織蒲竹之器
則傳寫他器而食之恐口澤之資也
餽餘不祭父不祭子夫不
祭妻
而得餽以歸又祭之餽餘也
凡此餽餘之物不可以祭其先
雖父之殯亦不以祭子夫之尊亦不以祭妻以其幾也
○御同
此章言受君賜之禮而末節承君賜餽之意而類及之也
於長者雖貳不辭偶坐不辭
御同於長者謂以侍御而得同之也
飲御諸友之御貳猶不貳
蔬羹之屬也偶猶匹也謂有賓而因匹
於坐也
二者不辭以徹席皆非為已設也
○此亦侍飲食於長者

之也說○羹之有菜者用挾其無菜者不用挾挾音類○挾箸也

已見前○無菜直飲之而已此泛言凡用羹○爲天子削瓜者副之巾以絺

爲國君者華之巾以綌爲大夫累之士寢之庶人斲之爲並去聲

累力果反寢音帝斲恨沒反○疏曰削刊副拆也蓋刊其皮拆爲

四解而橫斷之乃以細葛巾覆而進也牛破曰華諸侯禮盛故但

破而橫斷覆以麤葛巾而已累縛也其禮更不用巾覆寢謂脫花

處也但去寢則又降矣斲齒也禮不下庶人直自斲之耳此蓋公

寢禮會之等非謂平時也○劉氏曰大夫以上皆曰爲者有司爲

之也士庶人不曰爲者自爲之也方氏曰巾以絺綌者常暑以涼

爲貴也○此歷言爲○父母有疾冠者不櫛行不翔言不惰琴瑟

天子以下削瓜之禮○父母有疾冠者不櫛行不翔言不惰琴瑟

不御食肉不至變味飲酒不至變貌笑不至矧怒不至晉疾止復

故不櫛不爲飾也不翔不爲容也不惰無雜語也不御無樂也

故食至厭飯則口味變飲至醺則顏色變笑至矧是大笑至

矧是甚怒皆爲忘憂故戒之有憂者側席而坐有喪者專席而坐

喪去聲。○舊說創獨也。專甲也。禮賓主之席必有定向。有憂則獨席而不對。設賓席貴賤之席各有重數。有喪則單席而不加設。重席也。一說則席謂假設而變於正。專席謂獨坐而不。○水潦降不與人共也。○此章言親有疾及凡有憂有喪之禮也。

獻魚鰒。水潦疏謂天降水潦。獻鳥者佛其首。畜鳥則弗佛也。佛如

音拂。畜音旭。○佛振轉也。恐其喙啄人故以翼佛之。畜鳥則順其性而已。獻車馬者執策綏。獻甲者執

盾。獻杖者執末。疏曰。策馬杖也。綏上車繩也。車馬不上於堂。但執

執以自向也。獻民庖者操右袂。征伐所俘曰虜。持獻粟者執右

契。獻米者操量鼓。量去聲。○契稱右者兩書一札而別之。小宰所

有量有契。分言者五文也。或曰米可印。獻執食者操醬齊。執熟同

食為熟。故言量。粟可久儲為緩。故云齎。獻執食者操醬齊。齊熟同

○醬齊為食主。故操之也。如獻田宅者操書致。書致謂書其數而

見於幣。必知獻魚鰒之類。獻田宅者操書致。致於人也。古者田

宅皆屬於公。非下所得而獻也。豈上所賜邑有故還以。凡遣人弓

獻鰒石則又或請於上而行之與。蓋亦未可強通矣。凡遣人弓

已曲禮上卷一

者張弓尚筋弛弓尚角右手執箭左手承附尊卑垂悅若主人拜

則客還辟辟拜

通音位尚上通附音府悅音悅還旋通辟避同義詳投查○遺猶安也呂氏曰下於上曰獻上於下

日屬敵者曰遺也張弓角內而筋外弛則反是上之者各取其順也屬弓頸也差斜似遺故名也附者中央把處也尊卑猶言高卑義與上如揖下如投相類悅佩巾也其投受稍斜折而悅垂蓋高卑俯仰之節然也客還辟者主拜則客必答而弓尚在客手不克答拜則少逡巡以辭也○陳氏虞詳尊卑垂悅謂主客尊卑相等則投受之際皆稍斜折而見其悅之趣也今按本文稱尊卑垂悅而已初無所為主客尊卑相等之義考鄭氏原註云投受之儀尊卑一蓋謂主客不訟尊卑其儀一也疏家乃云客主俱是大夫則為尊若俱是士則為卑而陳註因以尊卑相等括之若如是則鄭註不論尊卑而陳引疏說乃尊卑必尊卑相等而後然也其與鄭為才而抑甚矣考張氏註云尊卑垂悅高下之節也馬氏註云禮主佩垂則臣佩委明尊卑俯仰之異也若賓主投受與主臣別則尊卑皆垂悅不異耳今考張氏之說屬主人自受由客

之左接下承附卿與客並然後受

鄉去解○自受者敵客不敢使人受也由從也從客左邊而受

則客在右矣。於是主人卻左手以接客手之下，而承其肘，因復右手提其簫之下頭而受之。蓋此時主與客並面而立，然後乃受。故其儀如此也。○方氏曰：賓主異等，授受異鄉。鄉，敵者則鄉，與客並也。何氏曰：上言客授主之儀，此言主受客之儀也。進劍者

左首進戈者，前其鋒，後其刃。進矛戟者，前其鏃，後其鋒。○

曰：猶獸也。首者，劍附環也。客在右，主在左，劍首為尊，故以授主也。

戈，鉤子戟也。刃當頭而利，鋒在尾而鈍，故不以刃授也。矛如鏃而三廉，戟即今之戟，授以鏃亦以其柄尾平。進几杖者，拂之也。拂，拭

底也。几並授則為左右相對，則為前後。效，猶獸也。牽以右手，便也。犬執

馬效羊者，右牽之效犬者，左牽之。效，猶獸也。牽以右手，防諸噬也。執

禽者，左首飾羔雁者，以纁。○禽，泛言鳥也。左首者，猶投劍之意也。飾

受珠玉者，以掬。○謂兩手共承之也。受弓劍者，以袂。○謂承以衣袂，不

者弗揮。○揮，以失禮也。恐失墜，故懷之。凡以弓劍也，直簞筥問人者，操以受命。如

使之容。○使去聲。○裏曰苞，藉曰裹。謂魚肉果實器物之屬，或包裹

之，或承藉之也。簞，圓筥方背竹器，問猶候也。如使之容者，

初受命時即謹其升降進退之容如已至彼地也。○此章歷言凡獻贈授受之禮。○凡為君使者已受命

君言不宿於家。為使並去辭下同。○受命即行不君言至則主人

出拜君言之辱。使者歸則必拜送於門外。至則拜命歸則拜送此言君使至而敬君命也

若使人於君所則必朝服而命之。使者反則必下堂而受命。朝言

呂氏曰：遣使不下堂，使反則下堂者，始以己命往。○博聞強識而終以君命歸故也。此又言使於君而敬君命也。○博聞強識而

讓敦善行而不忘謂之君子。博聞強識而讓有若無實若虛也。敦讓敦善行而不忘謂之君子。善行而不忘謂之君子。善行而不忘謂之君子。善行而不忘謂之君子。

識自外入，善行由中出，自外入者易實故處以虛，由中出者易倦故濟以勸也。○此章言君子修己之道也。○君子不

盡人之歡，不竭人之忠，以全交也。盡謂好於我，忠謂忠於我。呂氏曰：盡人歡竭人忠，皆貴人厚者

也。貴厚而莫應則交傷矣。不望之太深，不要其必致則。○禮曰：君不至難繼而交可全也。○此章言君子待人之道也。○禮曰：君

子抱孫不抱子，此言孫可以為王父尸，子不可以為父尸。抱孫不抱子，此言孫可以為王父尸，子不可以為父尸。

禮經語曾子問篇孫幼則使人抱之是也呂氏曰抱孫之為君尸為言生於孫幼此則借以明尸必以孫不素昭服之義也為君尸

者大夫士見之則下之君知所以為尸者則目下之尸必式乘必

以凡君尸猶言公尸謂卜吉將為之也見尸則下之者禮致齊各於家敬齊猶得在外及祭之且俱來入廟故得於路見而下

之也大夫士言見君言知者君或不能盡識以告則下也尸不下君若廟門之外尸尊未全不敢充禮以答故式之而已若廟中則

至拜無不答也車前橫木曰式故乘車者憑以禮人即名為式凡乃尊者所以養安尸之乘車用之亦以尊尸也疏曰禮祭天地

社稷山川四方百物及之視之屬皆有其尸但卜吉則可不問司與姓也賜曰社稷則主歸為尸虞祭則又有文尸惟祭獨無尸

○此章言○齊者不樂不踊致精明之德也案則散哀則動故戒致尸之禮○齊者不樂不踊致精明之德也案則散哀則動故戒

○居喪之禮毀瘠不形視聽不衰升階不由阼階出

入不當門隧毀瘠傷也形謂骨見也疏曰居喪許羸瘠不許骨露骨為形主故謂骨為形也門隧者門之中道也呂氏

曰先王制禮毀不滅性毀瘠形視聽衰幾於滅性且送死大事將廢而莫行也其可乎不由阼階不當門隧則執人子之禮未忍廢

也。○此章通言。○居喪之禮，頭有創則沐，身有瘍則浴，有疾則飲

酒，食肉，疾止復初，不勝喪乃比於不慈，不孝。創平聲，瘍音羊，勝音

肉以權制者也。故疾止則復初，不勝喪謂減性成疾而不能治喪也。朱子曰：「下不足侮後，故比於不慈；上不足奉先，故比於不孝。」

五十不致毀，六十不毀，七十唯衰麻在身，飲酒食肉處於內。衰音

五十始衰，故不致毀；六十則又衰而不可毀矣；七十益衰，故

與其死，死與往，曰。○此章言治殯之禮。○知生者，謂知死者，傷知生而不知死，

而不傷，知死而不知生，傷而不弔。方氏曰：「不知死而傷之，近於傷；應氏曰：「

帝者禮之恤乎外，傷者情之○弔喪弗能，則不問其所親，問疾弗

能，造不問其所欲，見人弗能，館不問其所舍。費去聲。○以財助喪

曰：「時三者皆不問以

徒問為賜人者不曰來取與人者不問其所欲賜者君子與者小

愧也守必將之以禮故不曰來取小人無厭必節之以人朱子曰君子有

禮故不問其所欲○此章類言交以誠敬之禮○適墓不登壙

助喪必執紼故敬紼引棺索也必執以致力臨喪不笑以哀為

執紼不笑句折人必違其位以變為敬也上下文皆言喪此望柩

當在此下不歌入臨不翔不歌猶不笑也當食不嘆此句亦錯見之文飲食

而嘆者則有失諫諫于鄰有喪春不相里有殯不巷歌相去聲○

而三嘆是也說見下文鄰有喪春不相里有殯不巷歌相者釋人

歌以助春也悲歌則歌於巷矣適墓不歌哭曰不歌亦望恆不送

鄰最近里次之故其禮如此○此適墓不歌哭曰不歌歌之意也送

喪不由徑送葬不辟塗潦辟道同○不由徑不苟取其速臨喪則

必有哀色說見下文執紼不笑句當在前文臨樂不嘆此句

見之文合樂以鳴保與進食以致養一也易燕樂之介冑則有不

時為悲嘆之境豈所謂喜忍哀樂發而中節者哉

可犯之色故君子戒慎不失色於人

陳註此章白揖人必違其位當食不噉臨樂不嘆介冑則

有不可犯之色四句之外皆是凶禮之節記者詳之如此因言每

事戒慎則無失禮不但不可失介冑之色而已愚按陳註似失但

味則有二字介冑以上當有脫落蓋歷舉凡色之所宜以及介冑

之色而因以君子不失色於人結之非泛言禮於色以外也記文

類皆煨燼繼拾而章台為訓可乎按上文臨喪則必有哀○國君

色語勢正是此類以表記第三章推之其為雜亂可知矣○國君

撫式大夫下之大夫撫式士下之

此章言君與大夫同出若君過所當敬而撫式則大夫必下車

士於大夫猶大夫於君也蓋尊卑之等如此

○禮不下庶人刑不上大夫

禮不下庶人者古者制禮

皆自士始以庶人卑賤且力或不能行禮故也其欲行禮者則假

士禮行之而已或說此承上文而言君撫式以禮大夫則大夫下

車大夫撫式以禮士則士下車庶人則否是不下庶人也但禮刑

二句相連今見家語五刑解乃冉有所問於孔子而答之者顧牽

上文而為詞可乎刑不上大夫者古者大夫有罪君聞而諷讓則

大夫白冠履纓造闕請罪不使有司執縛牽掣而加之也周官掌

囚凡有刑及王之同族率而適甸師氏以待刑殺者蓋請罪之後

八議所不赦則無如之何矣然猶必適甸師氏以隱之也况可沒

以刑加之乎。聖王仁至義盡之意。於此刑人不在君側。人若當近
可見。此賢聖人禮刑之制之意也。有德者刑
人則凶德耳。又慮有匪想生變。如罔殺餘祭。兵車不式
之類也。此則上舍刑而言待刑人之意。路也兵
取威猛。武車綏旌德車結旌綏旌通。武車亦謂革路。革言其制
故不式。武車綏旌德車結旌兵言其用。武言其象也。尚武故車上
旂旛舒散。若非綏然德車蓋王金象木四。史載鉞士載言也
鉞之總稱。德美在內。故總結其旌於干也。史氏
同盟之士言謂盟會之言。方氏曰。載鉞將。也士謂
以書未然之事。載言。故其制已然之事也。前有木則載青旌前有
塵埃則載鳴鳶。前有車騎則載飛鴻。前有士師則載虎皮。前有擊
獸則載貔貅。載言獸類音皮貅音休各所載者。王行宜警備前
有變異。則以示軍衆代號令也。青旌或謂青雀之旌。
乃水鳥也。載鷗也。鷗鳴則風生。塵埃起。鷗雁也。飛有行列與車騎
相似。此皆畫於旌而載之也。士師謂師衆虎皮威猛亦師衆之象。
故載其皮於旌。擊獸總謂虎狼之屬。貌類衆之亦畫於
旌也。獨虎載其皮者。蓋車中自有虎旗而不可混與。行前朱雀
而後玄武。左青龍而右白虎。招搖在上。急繚其怒。進退有度。左右

有局各司其屬

緒註讀為勳今從呂氏讀如字○行軍行也朱雀

玄武七宿東蒼龍七宿西白虎七宿軍行前取迅旋後取鎮得左
取變動右取沉猛故各象為旗也招搖北斗杓端星也北斗居四
方宿之中而杓運指四方故軍中象為旗以指揮行陣也急迫之
也繕之言緝也治也呂氏謂作而致其怒也度法也牧警不愆於
六步七步四伐五伐乃止齊焉今夏官司馬其遺法也局謂步分
也司猶掌也如立左和門以左司馬掌之立右和門以右司馬掌
之是也言左右則前後在其中矣繕怒而法無或失者承招搖在
上而言設局而部各有屬者承前後左右而言也○此章言軍行
制○父之讐弗與其戴天兄弟之讐不反兵交遊之讐不同國與
其戴天者皆不與俱生也不反兵者常以兵器自隨不反而求兵
也不同國則各居一方而已蓋復讐之義如此○呂氏曰殺人者
死古今之通刑也然殺之而義則無罪故令勿讐謂人之職是也
其殺之而不義則讐殺者於有司而殺之士師之職是也二者
皆無事乎復讐也而復讐之文雖見於經傳者豈其○四知多也
人聲勢盛赫故讐者遇則殺之而不暇告有司與○四知多也
此卿大夫之辱也地廣大荒而不治此亦士之辱也○四知多也
面之知軍機

曰壘荒猶穢也不能謀國數見侵伐故多壘土廣人稀經理無法
故荒而不治二者皆卿大夫之責土卑不與謀國而田里亦其
職也故其言如此○此章○臨喪不慍也○祭服敝則焚之祭器

敝則埋之龜筮敝則埋之牲死則埋之呂氏曰人所用則焚之焚

埋之凡祭於公者必自徹其俎也疏曰此謂士助君祭也若大夫

以上助君祭則君使人歸其俎若大夫以下自○卒哭乃諱

系則使人歸賓俎○此章類言喪祭之禮也○卒哭乃諱

而卒哭至此乃諱者其禮不諱雖各一名不偏諱而音同者二名

謂各有二字者偏皆也故二建事父母則諱王父母不建事父母

則不諱王父母建及也諱王父母者推父母之心也故父母沒不

君所無私諱大夫之所有公諱私諱不避於公家私詩豈不諱臨

文不諱臨文何氏謂執禮文行事時也二者一恐惑於廟中不諱

廟中之諱以弗避尊如有事於夫人之諱雖質君之前臣不諱也

高祖則不諱尊祖以下是也婦諱不出門質猶對也婦諱不出門釋臣不諱夫人之諱之義蓋

婦諱不出門夫人諱亦應不出宮門也宮門以內婦寺之屬諱之

而已大功小功不諱恩輕服殺故也人境而問禁入國而問俗入門而問諱

馬氏曰問禁慮得罪於君也問俗慮得罪於衆也○外事以剛曰

內事以柔曰牛丙戊庚壬爲剛乙丁己辛癸爲柔外事內事諸說

兵爲外事廟祭爲內事陳註則朝會師田之類皆外事喪祭冠婚

之類皆內事今按諸說各有所據而下篇云內事曰孝子某外事

曰曾孫某是祭其先爲內事祭外神爲外事也然則下篇爲正而

以諸說祭之與○游氏曰外以剛內以柔此謂順其陰陽也聖人

之治天下本之以自然行之以至順三才之道在天爲陰陽在地

爲剛柔在人爲仁義仁者陽與剛之屬義者陰與柔之屬也古人

以是二端盡陰陽之理柔從陰剛從陽凡卜筮曰旬之外曰違某

外從剛內從柔此自然而至順者也

日旬之內曰近某日喪事先遠曰吉事先近日曰爲日假爾泰龜

喪爲並去聲。○旬十日也。用日在十日之外。至人告莖者。則云欲問遠某日。用日在十日

之內平人告筮者則云欲問道某日也喪事謂葬若練祥之屬吉事謂祭若冠昏之屬畏是奪哀之義于心有不忍卽行者故卜先

遠日不吉而後及近吉則反是故卜先近日不吉而後乃遠日
命辭也假藉也秦者尊之之詞卜則稱秦龜策則稱秦筮言爲上

吉日指兩神吉凶常可馮信而卜筮不過三卜筮不相襲襲因也

不過三者自所卜策者而言如近且遠國之屬上卒不吉至中卒
中卒不吉至下卒終不吉則止也不相筮者自卜與筮而言如卜

不吉則止不固而變筮筮不吉則止不固而變卜也○占以卜力
常事卜不吉則不筮筮不吉則不卜若大事則否如洪範龜筮從
違之有龜筮並用如晉卜納襄王尊黃帝戰阪泉之叱又筮之遇

大有之睽是也故知不相與者非大事也愚按呂說善矣但所引

是乃合觀君若龜若策若卿士若庶民五者從逆之大小多寡凡

豈得以相襲名之哉。不過三之義。乃易事以占。故至再三。若不易事。則更無再三之理。特易家卦。通爲卜。疾爲筮。美音折。笑著也。

六再三讀則不告可考也

也。卜筮者先聖王之所以使民信時日。敬鬼神畏法令也。所以使

民決嫌疑定猶豫也。故曰疑而筮之則弗非也。日而行事則必踐

之。與豫同。踐鄭讀為善音。誤也。今從王氏請如字。○猶與二。賦召

或曰可。或曰不可。是猶與也。日。謂諷日也。踐猶履也。蓋有疑而問

之卜筮。聖王且不惑。況下民乎。時日則信而不疑也。鬼神則敬而

不棄也。法令則畏而不玩也。嫌疑物混而相似。故決之猶與事行

而不斷。故定之皆卜筮使之然也。若有疑既筮而中不信。諷日行

事而身弗踐。是不誠矣。不誠豈尚有物哉。○君車將駕則僕執策

立於馬前。策馬杖也。僕。僕已駕。僕展軔效駕。奮衣由右上。取貳綏

跪乘執策分轡。驅之五步而立。○輪音零。上上際。○展之言省也。轡

由轡故展視轡頭而即試乘之也。猶說效日也。人而效白於君也。

轡之言振振去其塵也。從右升者君位在左。避君空位也。貳副也。

綏者登車索也。正綏擬君之升。副綏擬僕右之升。故僕取以升車。

而君猶未出。未敢依常而立。故跪乘之也。轡者駟馬索也。一車四

馬中有馬夾轅各服馬兩邊各一名驂馬四馬凡八轡而兩驂馬內轡繫於轅前因分其六轡半納於左之空手而半納於右執策之手中也驅馬五步即止而立以待君出也君出就車則僕并轡授綬左右攘辟車驅而騶降闕同而作避騶同○并言也合六轡及策納一手手中而以一手指取正綬授君以登也據時如周禮閹人爲之辟之辟今侍從執役諸臣皆卻避以便馳驅也至於大門君撫僕之手而顧命車右就車門開溝渠必步撫僕手者以顧命車右故也就上也凡君乘車君居左僕御居中勇士在右而車右必奉命而後敢上故命之也必步謂車右也禮君子過門問必式君式則臣當下又溝渠險阻亦須下而扶持之此所以步也僕不下者僕下則車無御矣凡僕人之禮必授人綬若僕者降等則受不然則否凡爲僕者授人不但臣於君然也若僕等級卑下如士於大夫之類則直受之不然則必致辭讓也若僕者降等則撫僕之手不然則自下拘之拘音溝○降等則受矣然猶撫止其手者如不欲其親授然亦讓道也不降等者已雖不欲受而僕必授則又卻手從其手下而自拘取之也○此章言僕御駕車之禮○客車不大大門曰客

車不入所以敬主。主車出迎所以敬客。親總偏駕不人王門。公食
大夫。黃乘車在大門外。西方是也。若諸侯不以客禮見王。則車
可入大門。親禮墨婦人不立乘。乘安車。犬馬不上於堂。犬馬充庭
車龍旂以朝是也。婦人不立乘。故也。犬馬不上於堂。實故不上
堂。以犬馬獻人。則執綬約而已。以馬合幣。則達圭而已。故君子式黃髮
而已。奉馬而親。則授人而已。皆不上堂之謂也。故君子式黃髮
下卿位。入國不馳。入甲必式。式者敬老也。下者敬大臣也。禮若出
而先下車也。不馳者恐車馬過蹶人也。必式者。下室猶有忠信。凡
二十五家。所謂不誦士室也。○鄭氏曰。發句言故。明此眾篇雜
辭也。愚按上文呂氏說云。不入大門敬之也。不立乘安之也。則君
子之式且下也。蓋亦以爲敬而不馳亦以安人與。犬馬何則。因乘
車之禮而。○君命名雖賤人。大夫士必自御之。御。避同。御迎也。
類及之也。○介者不拜爲其拜而斐拜。爲去聲。斐音判。○介甲也。朱子曰。斐
也。介者不拜爲其拜而斐拜。者言有所校。持不利屈伸也。○此二
條於上下文不屬。蓋言禮之以君命。○祥車。贍左。乘君之乘車。不
仲。與禮之以軍事。殺而類及之也。○祥車。贍左。乘君之乘車。不
敢贍左。左必式。祥車猶言吉車。疏謂祥禮。用生時乘車爲魂車。故
名也。贍左也。車貴左。僕偏在右。空左以解。解也。乘

君之乘車則不敢爾者王五路玉金象木革王自乘一而已餘四則從臣乘之若空左恐疑於祥車也左必式蓋雖居車左而不敢安於左矣○此○僕御婦人則進左手後右手進猶前也疏謂僕言乘君車之禮○僕御婦人則進左手後右手在中婦人在左進左手以持轡使身御國君則進右手後左手而俯俯謂俯首也禮微相背還嫌也○國君不乘奇車奇車註謂奇邪不進右後左而俯首以致敬也○此言僕御執轡不同之節○國君不乘奇車正之車御車衣車之屬也疏謂御車即今之鈐車衣車如轎而良也一謂奇如奇偶之義言必有副車也車上不廣欬不妄指立視五柵式視馬尾顧不過欬欬居直反馬音攜○方氏曰不廣慮手容之駭視也顧謂顧也車輪一周為一規乘車之輪高六尺六寸徑一國一丈九尺八寸五規為九丈九尺六尺為步總六十六步半立車上者視當如是也式謂憑式也馬駕車者尾進而國式時不得遠瞬但得視馬尾而已不過載即車中不四顧之意也國中以策箠卹勿驅塵不出軌箠朱子謂策之箠若今草帶也卹勿猶撻也人國不馳唯以策箠敬近馬體撻摩之而已蓋不用鞭策也車轍曰軌行緩故塵埃不揚出軌外也一云國中以策

結郵句勿驢句解郵二字
 相連如搔摩之義亦通
 國君下齊牛式宗廟大夫士下公門式
 路馬齊齊同○下謂下車也首二句文誤熊氏謂當作國君下宗
 廟式齊牛也○此章中二節泛言乘車之儀而前後指言君
 大夫士之
 異禮也○乘路馬必朝服載鞭策不敢授綏左必式朝音潮○路音路車也
 謂臣乘君之車馬以習儀也禮君乘車居左勇士右僕馭執鞭授
 綏今臣乘君車居左必衣朝服以示敬鞭策但載而不用其車自
 馭以行而無授鞭策亦不敢使車右以綏授
 已而居左亦必衣朝服而不自安凡皆敬也
 步路馬必中道以足
 蹙路馬躬有誅蹙路馬有誅蹙蹙同○步謂行步而謂習之也必
 踐芻草誅責也商者聞其黃以量年數也馬氏曰察馬力必以年
 校馬年必以歲而亦責之者非其所職且慢君物也先王制禮凡
 以止邪於未形而已○此
 章言敬君路馬之禮也

曲禮下第二

凡奉者當心提者當帶
 奉上聲○奉持者仰手以
 當心提挈者屈臂以當心
 執天子之器則

上衡國君則平衡大夫則綏之士則提之

上高也衡之言平此謂當心而平也當心如衡

平故謂當心為衡綏垂下貌天子器不宜下故上於衡諸侯與

衡平降於天子也大夫綏之又降於諸侯也士提之則又下矣

凡

執主器執輕如不克執主器操幣圭璧則尚左手

主者通上侯大夫士而言克勝

也如不克聘禮所謂上介執玉如重是也尚上通方

氏曰右手力強尚左所以為容下右所以致力也

行不舉足車

輪曳踵立則磬折垂佩

舉起也是後曰踵謂其行不全起足而曳引其後踵如中輪之運於地也此執主器

之行容也佩玉似也謂使折如磬之背而

玉佩從兩邊懸垂也此執主器之立容也

主佩倚則臣佩垂主珮

垂則臣佩委

此即立容而推言之也言立容雖以垂佩為正而臣於君尊卑殊等又當視其高下之節而倍致恭敬之

容微俯則尚前小俯則垂下大

執玉其有藉者則揚其無藉者則

俯則委地皆於佩見其節也

與上人有衣近體有袍澤之屬外有裘若裘其上皆有易衣易衣

云無藉謂圭璋特達不加束帛故執圭璋之時其人則襲有藉謂以璧琮加於束帛之上故執璧琮之時其人則揚也一說執圭而

主纓為有纓執圭而屈纓為無纓也。愚按：錫鬯所以異者，蓋因有
 纓無纓而為之質文也。味有無字義，前說為得之。○此章言執圭
 器之
 ○國君不名卿老世婦，大夫不名世臣姪娣，士不名家相長

妾，相去聲。長上聲。○不名，不以名呼之也。此曰卿老，謂上卿世婦
 妾，謂兩嬖也。世臣，謂老臣。乃子賢，故父傳者姪，謂妻之兄女娣，謂
 妻之妹，皆從妻來為妾者。家相，助知家事者。長妾，妾有子者。
 君大夫之子，不敢自稱曰余小子。

大夫士之子，不敢自稱曰嗣子某。列國之君與天子之大夫其子皆不
皆不敢稱余小子者，避嗣王也。

列國之大夫與士其子皆不敢稱嗣子某者，避嗣君也。不敢與世子同名。呂氏曰：世子，天子
之子，不敢與同名。惟名在其前，則世子雖為君亦不避也。故國君

曰：伯也，仲也，叔也，季也。何為君臣同名也？君子不奪人名，不奪人親之

所名。○此章言
 ○君使士射，不能則辭，以疾言曰：某有負薪之憂。

上下召解之禮。
 呂氏曰：射者，男子所有事，可以疾辭，不可以侍於君子。不顧望而

對，非禮也。呂氏曰：顧望而後對者，不敢先人也。應氏曰：○君子行

有察言觀色之意。○此章言應對之禮。

禮不求變俗祭祀之禮居喪之服哭泣之位皆如其國之故謹修

其法而審行之

求猶務也不務變其故俗所謂宜於土俗也其法即所謂國之故也如其故則不變俗然謹修而審

行之則亦不至以俗而違禮矣○熊氏曰王制云修其教不易其俗又左傳云封唐叔之人封康叔於殷墟故以商政封唐叔於夏墟故以夏政皆因其舊俗也李氏曰先王盛時道德一於上風俗齊於下而喪祭哭泣之禮有不同者無害其爲同也則官大率八則禮俗以異其民士均氏禮俗喪祭皆以其地美惡爲輕重之法蓋地不齊故禮俗異而治之法不復同也愚按二說則本意上節謂國定制者不求變其國之故俗而下節謂去本國之舊國者不即忘其本國之故俗也其義例各見如此而舊註混上下節爲義則乖矣

去國三世爵祿有列於朝出入有詔於國若兄弟宗

族猶存則反告於宗後去國三世爵祿無列於朝出入無詔於國

唯與之曰從新國之法

三世註謂自祖至孫也爵祿有列於朝謂若不絕其祖祀復立其族若滅絕奔邾立

戚也此諸猶告也謂族猶列爵在朝則凡有行止與本國卿大夫相赴告也兄弟言其親宗族言其遠來後通言大宗小宗謂雖無

列爵在朝而但有兄弟宗族猶與其宗子反而告之也凡其不忘
本之意如此至如其族已微其身亦日遠則時久義絕若可改其
本國之故矣然猶必待典起而為卿大夫乃從新國之法也其始
終不忘本者又何如哉按註疏以若兄弟宗族二句承無列無記
而言與本文似不相合然本文若字中自具無列無記而不言者
省文也蓋上段諸國與告宗義相連而下段無列與唯典義又相
足故各從便言之凡經傳

○君子已孤不更名

更平聲○名者始生三月父所命也

父沒而更

已孤是貴不為父作諡

文王雖為四伯不為古公季文王雖為四伯不為古公季

之王季而諡則闕也呂氏曰父為士子為王侯則祭以上祫是以
已祿養親也以已爵當諡而為之作之是以已爵加其父祫尊而
反卑之非敬也○居喪未葬請喪禮既葬請祭禮喪復常讀樂

此章言孤子之禮

○居喪未葬請喪禮既葬請祭禮喪復常讀樂

復常除服之後樂章弦歌居喪不言樂祭事不言凶公庭不言

章之詩此歷明所當讀也

婦女吉凶不相干故不言樂不言凶公私不相干故不言婦○振

書端書於君前有誅倒筴側龜於君前有誅

振擗也書謂文書也

君前乃始拂塵埃而正之意矣。下第官卑，雖笑若君前，則或顛倒，或反側，慢矣。故皆有罰也。○此章言尊君之禮。○龜筮

几杖席蓋重素衿締絡，不入公門。重平聲。○龜筮以問吉凶，嫌擇

席以供坐臥，蓋以蔽雨，賜嫌求安也。重素者，衣裳皆素，非

吉服也。衿締絡者，不表而出，將見體也。故公門皆不可入。也，屨扱

衽，厭冠，不入公門。重，謂為薦扱者，抑厭音為。○也為薦者，喪屨用

扱於帶也。厭冠，亦謂喪冠吉冠有覆有梁，喪

冠無之，故厭帟然也。凡皆喪服，故亦不入。書方衰凶器，不以告

不入公門。衰音崔。○方版也。謂書錄送死物件於方版也。衰者，五

中必以入，然必公事不私議。朝也。○馬氏曰：李孫使內有訪田賦

牛乃可也。公事不私議，無位者不得議有位者，亦當議於公

仲尼仲尼不對而私於冉有何也？李氏曰：李孫使內有訪田賦

甘私於冉，有豈得已哉？愚以論語朱傳不在其位，不謀其政者，常

也。若卿大夫問而對者，則有矣。然則不對田賦，第以其問非所問

耳，即私於冉有，亦非私議也。若季氏與家臣議於私室而子魯之

也，則為私議矣。○此○君子將營宮室，宗廟為先，廡庫為次，居室

章言尊公朝之禮。曲禮下。卷一。三。

爲後君子有位者也宗廟以奉先其事重矣既以養馬庫凡家造

祭器爲先犧賦爲次養器爲後義去聲○此亦上條先後之意也

之互與盆祭之類疏曰家造謂大夫始造家事者也諸侯之大夫

祭用少牢而已此天子之大夫賦其邑大牢故名犧賦也養器謂

生人奉無田祿者不設祭器有田祿者先爲祭服可知也先爲祭

服而器隨之矣孟子曰惟士無田牲穀器血衣服不備不敢以祭

此言有田祿者先爲祭服而上文言家造祭器爲先者蓋彼自對

犧賦以下而類言君子雖貧不強祭器雖寒不衣祭服爲宮室不

斬於土木鄭音音衣去聲○正謂正墓也器服以祭先木以庇墓

○大夫士去國祭器不踰竟大夫寓祭器於大夫士寓祭器於士

竟境同○呂氏曰有祭器以事其先者君之祿也今去位矣乃挈

器以行是爲君祿以辱先也寓寄於同爵者使可用也○馬氏曰

微子抱祭器歸周何也君子爲己不重爲大夫士去國踰竟爲壇

人不執抱君祭器可也抱己祭器不可也

位鄉國而哭。素衣素裳，素冠徹絲履，素綬乘髦馬，不蚤，號不祭。

食不說人以無罪，婦人不當御三月而復服。

服作婢，鄉去聲。絲音似，履音瓦。解。

音氣說如字，復去聲。○服位除地為位也。鄉國向本國也。徹去也。去中衣之采，緣而緣以素也。提履，周禮註四夷舞者所屣革履是也。載者車覆闌也。以白狗皮為之。旣夕，禮主人乘惡車，白狗幣是也。髦馬者，馬不馴髦，服也。治手足爪曰蚤，治鬚髮曰翦，食不祭，先代為食之人者，禮不備也。不自以無罪，解說於人者，過則稱已也。○大

謂謂侍御，服宿也。凡此皆為去父母之用。捐親戚去墳墓，失祿位者，三月為一暱，天氣小變故也。○此章言人臣去國之禮。○大

夫士見於國君，君若勞之，則還辟再拜稽首。

見音現。勞去聲。還旋通辟，避通下同。○言

大夫士出聘而見其國君，其君若勞其勤苦，則還轉還辟而不收，當乃再拜稽首以致敬也。

若若迎拜，則還辟。

不敢答拜。

又言初至其國大門外，其君若迎而拜之，則又還辟而不敵答拜，答拜則是抗賓主之禮矣。

大夫士

相見雖貴賤，不敢主人敬客，則先拜客；客敬主人，則先拜主人。見

亦承上言出聘時也貴賤不敵謂士於大夫及大夫士各有上中下之三等皆是也凡非弔喪非見國君無

不答拜者

弔喪而不答主人之拜者蓋以助役而非以行禮之義士喪禮有賓則拜之賓不答拜是也見國君不答拜者

蓋不敢以抗禮之義即上文不敢答拜是也舊謂士見本國之君尊卑隔故君不答拜然玩二條並列之義乃言下不敢當禮而不答非謂上自全其體而不答况君於士不答拜之文自在下條而此則明言見國君平舊說之卑甚矣二者之外無不答拜者迹無所嫌而禮有當施也大夫見於國君國君拜其辱士見於大夫大夫拜其辱

同國始相見主人拜其辱

國君及大夫拜其辱疏謂聘禮見其國君卿大夫而各拜其辱是也主人拜其

辱蓋大夫士始相見雖同國不敢褻故有加禮與熊氏以三條皆爲本國君大夫士初見之禮疏不之取而陳註從之夫末一條乃稱同國則上二條爲異國末一條乃稱始相見則上二條非始見易明也且章內三稱國君既以首節國君爲鄰國而又以上節及本節國君爲本國是自矛盾矣今以同國大夫士始相見者推之則凡大夫始見本國君士始見大夫固有加禮然用爲末條之補文可也而亂爲首二君於士不答拜也非其臣則答拜之大夫於條之正文不已汰哉

其臣雖賤必答拜之

君於士禮無答拜其答者唯他國之士而男已若大夫則雖賤臣必答拜者避正君也

女相答拜也

男女別嫌亦多端矣然拜所以行禮豈以行禮為嫌哉故相答也○此章歷言凡答拜之禮○國

君春田不圉澤大夫不掩翫士不取廬卵

春田曰蒐麋鹿子也或曰罔羣聚故曰掩廬卵微故曰取君大夫士位有等降故取有限制方氏曰用大者取愈廣位卑者禁愈嚴也此與王制文異○

此章言君大夫士田獵之禮○歲凶年穀不登君膳不祭肺馬不食穀馳道不

除祭事不縣大夫不食梁士飲酒不樂

縣平聲下同樂音洛○周人東肺食必先祭言不祭

示不殺牲為盛饌也不食穀明芻具也君行有馳驅之道不清道

故不除祭必有樂不樂故不宿縣公食大夫禮正饌後乃加設稻

梁凡燕飲無算爵無算樂乃為樂無

加餐故不食梁無耐飲故不樂也○君無故玉不去身大夫無

故不徹縣士無故不徹琴瑟

去上聲○故謂災變喪疾之類○此通上章言君大夫士常變之異禮

○士有獻於國君他日君問之曰安取彼再拜稽首而後對

彼言安取

○此

何所得彼物也士卑不必獻故言有獻而特明其禮大夫私行出疆必請反必有獻士私行

出疆必請反必告大夫士私事出疆皆請於君者不敢專也君勞其反士則不獻者卑不敢贊但告還而已君勞

之則拜問其行則拜而後對勞去聲○勞者慰道路之已勞問者詢遊歷之所至此通謂大夫士也○

此章言大夫士○國君去其國止之曰奈何去社稷也大夫曰奈

何去宗廟也士曰奈何去墳墓也國君不言宗廟重社稷也大夫不言墳墓重宗廟也士不備宗

廟言墳墓而已國君死社稷大夫死眾士死制死社稷謂建國立祀國亡與亡也死眾謂討罪禦敵

敗則死之也死制謂任職受事難毋苟免也方氏曰國君曰死社

稷而大夫士不曰死宗廟墳墓何也止其去者私情死其事者公

義也○此言君大夫士去留生死之義○君天下曰天子朝諸侯分職授政任功曰

予一人註曰稱曰者皆擯詞也君天下謂外及四海朝諸侯則五服以內也今漢於蠻夷稱天子於王侯稱皇帝祝禮於諸侯則余一人是也任也任也分職授政昨臨祭祀內事曰宰某

政自有常者言任功自特見者言

踐昨臨祭祀內事曰宰某

外事曰嗣王某

以下稱曰者祝詞也主階曰昨履昨以行肥也宗廟之事為內郊社之事為外孝王某者事親之辭

嗣王某者事親之辭某名也

臨諸侯畛於鬼神曰有天王某甫

畛音軫○臨諸侯謂巡狩也

祭名也巡狩時必使祝史祭其國之常祭者也呂氏曰畛猶畛畛

之相接然與交際之際同義方氏曰望秩之禮必於野外畛者出

間道也祭於畛謂之畛猶祭於郊謂之郊也稱有天王者天子適

諸侯非其常故也甫之言平丈夫之美稱不稱名以下親姓故也

崩曰天王崩復曰天子復矣告喪曰天王登假措之廟立之主曰

帝喪去聲假呂氏謂為格陳詳讀為遐○自上墜下曰崩王卒曰

崩重之之詞也復者招魂之禮古者人死則持其衣升屋北面

呼名以招之蓋以神魂離散欲令還伏體魄而再生也臣子不可

名君故但呼曰天子復而已疏謂王后死亦但呼王后復也告喪

赴告侯國也登升也假為格者格之言至與王格有廟來格來享

同義言其精神升至於天也假為格者格之言至與王格有廟來格來享

之義也格讀也始死則於殯宮繫木為重以依神既虞而埋之乃

謂廟作主曰帝亦祝詞曰天王天子則策書復赴之詞也呂氏曰

考之禮經未有以帝稱者史記於夏殷之王皆以帝名疑殷天子

人附廟稱帝遷世本自有所考而至周有始始不名帝與天子

未除喪曰子小子生名之死亦名之

名猶稱也因未除喪故稱子不稱天子子一人而稱子小

子雖其死亦以小子稱之也○鄭氏曰生名之曰小子王死亦曰

小子王也晉有小子侯是僭號也呂氏曰春秋書王子猛卒不言

小子者臣下之稱與春秋史冊之詞異也愚按二說皆近之而未

盡也予小子乃稱者為其自稱之詞非人稱之詞而春秋書子亦

居喪未除年之稱豈此所稱未除喪之謂乎○天子有后有夫人

○此章言天子朝廷喪祭之屬稱名之禮

有世婦有嬪有妻有妾按昏義三夫人九嬪二十七世婦八十一御妻今嬪在世婦之下而妻之下又有妾

其詳未聞此蓋天子內官之制天子建天官先六大曰大宰大宗

所謂內官不過九御之意也

大史大祝大士大卜典司六典大音泰○此以下皆天子外官之制所謂外官不過九品之意也天

官今周禮宰宰之官即所謂大宰也餘見第四天子之五官曰司

節下二節放此先六大者以其掌重於他職也

徒司馬司空司士司寇典司五衆此五官今周禮地官及春夏秋冬冬之四官與天官列而為六也

五衆者五官

屬吏之衆

天子之六府曰司土司木司水司草司器司貨典司

屬吏之衆

六職燕聚曰府六職即天子之六工曰土工金工石工木工獸工

草工典制六材繕治曰工即謂六材之工也制之言治以其制度

制實無所證今歷以周禮考之則所稱天官之六大自大宰而外

皆非屬於天官其五官所稱司士者於周禮為夏官之屬而今乃

以當春官大宗伯之職且其稱六府似為地官司徒之屬稱六工

又為冬官司空之屬意若以天官而下二官較重於春夏秋諸官

而特舉之者然考六府六工亦非盡屬於地官冬官則又不

可通矣先儒謂記文出於熒燼之餘綴拾附會其信然乎

致貢曰享居氏曰貢功享獻也歲終則司徒以下五官各致其功

總五官並放此五官之長曰伯是職方其類於天子也曰天子之

吏天子同姓謂之伯父異姓謂之伯舅自稱於諸侯曰天子之老

於外曰公於其國曰君長上尊下同此以下因言外官之稱也

即六卿中命三人兼之使之左右輔相至九命作伯則分主畿外

諸侯而為之長故曰伯而公羊傳自陝而東周公主之自陝而西

下

畢

召公主之是乃職方之義也。稱天子之吏者本其職而言同姓則稱爲伯父異姓則稱爲伯舅者此皆天子親之之意也。自稱天子之老者本其地而言其於所封王畿采地之外稱曰公者所以別於五等而於王畿采地之內稱曰君者蓋又以正其一方皆內外臣民尊九州之長入天子之國曰牧天子同姓謂之叔父異姓之意也。九州之長入天子之國曰君。九州之長卽七命之諸侯也。每謂之叔舅於外曰侯於其國曰君。州中擇諸侯之賢者一人加之。一命使主一州以內之諸侯則八命作牧而有司牧之責故曰牧。又以伯本王官而牧有分地故以入天子之國繫之不言猶詞之屬者蓋亦以伯爲例與謂之叔父叔舅亦親之之意但稍降於伯父伯舅耳。於國外稱曰侯而於國內曰君亦上文之意也。其在東夷北狄西戎南蠻雖大曰子於內自稱曰不穀於外自稱曰王老。九州之外天子亦選賢爲牧但昇且遠故其入不以牧稱。天子亦不稱以舅父一惟以子稱之而已。雖有功德於其國也楚在春秋爲大國而稱止稱子是也。穀善也。於內猶言於其國也。於外謂凡夷狄之國王老猶言天子之老之意也。○諺曰子猶牧也。雖諸伯之地本爵亦不過子也。疏曰本爵不過子男若本爵是子者猶詞曰子本爵是男亦曰子所以爾者舉其高者言之示尊。

異故也。庶方小侯入天子之國曰某人於外曰子自稱曰孤。庶衆也。四譯之

國散處故以庶方名之也。某人若牟人介人之類稱於外曰子者。侯本爵之稱稱於其國曰孤者寡弱無德之稱猶不穀之意也。○疏曰稱於國外四夷之中依其本爵或子或男。今言子亦舉尊稱也。六服之內但舉伯與牧不舉其餘諸侯而九州之外既舉大國又舉其餘小國者與天子當侯而立諸侯北面而見天子曰覲。天六服諸侯別異故也。

子當寧而立諸公東面諸侯西面曰朝。依上聲見音現朝音潮。○此以下又因言其朝覲祭

享之屬之所稱也。上諸侯五等之通稱下諸侯謂侯服以下也。諸侯春見曰朝夏見曰宗秋見曰覲冬見曰遇朝者朝見於朝而享獻於廟有擯迎之儀取於通情也。夏宗亦如之覲者朝見享獻皆於廟無擯迎之儀取於辨分也。冬遇亦如之。侯在廟寧在朝疏曰依名狀如屏風以絲為質高八尺東西當戶牖之間紐如斧文謂之斧依亦謂之黼房天子依之而南而以對諸侯故謂之依寧者兩雉門屏之間謂之寧天子佇立焉以待諸侯見而迎之故謂之寧也。何氏曰入覲而與天子議行天道肅殺之政故相見時先有嚴霜氣象入朝而與天子議行天道生諸侯未及期相見曰遇相見之令故相見時先有溫厚氣象也。

見於郤地曰會

和隙同。○期猶約也。郤地，開隙之地。期，期會而相見於此也。遇，禮從殺，會禮從隆。諸侯使

大夫問於諸侯曰：聘約信，曰誓，涖牲曰盟。

比年小聘，三年大聘，小聘大失牲，大聘上大夫

往誓盟皆以言相約為信，但誓禮不親涖，宰牲為報，誓惟取約信而已。若盟必親涖牲以為約信也。疏曰：盟禮先幣，地為方坎，殺牲於坎上，割左耳盛以珠盤，又取血盛以玉敦，書既成，乃諸侯見天，插血讀書，因置牲坎中，加土於上而埋之，謂之載書也。

子曰：臣某侯某，其與民言，自稱曰寡人，其在凶服，曰適子孤。

適音的。○

臣某侯某，如云臣齊侯小白，晉侯重耳之類，蓋皆告天子之辭也。寡人猶言寡德之人，於內言民不言臣，且不言稱於外，皆省文。適子孤亦猶者，臨祭祀，內事曰孝子某侯某，外事曰曾孫某侯某，死告省之辭也。

曰：甞復曰某甫復矣。

復，扶又反。○內外事見前，但外事無郊，惟社稷之屬而已。曾孫如晉平公，將河而稱曾孫

彪之類，本始封之祖而首也。以天子嗣王某例之，宜稱嗣侯某而稱曾孫者，蓋天子德厚流光，得稱嗣王，而諸侯則未敢質言與甞之為言，皆也。幽靡之義，亦策書既葬見天子曰類見，言諡曰類之辭，復稱字，亦不名君之意也。

類猶象也言者述而附之也繼於先君為象覽其
先君乃象德也劉氏曰類當為誅聲之誤也亦通
諸侯使人使

於諸侯使者自稱曰寡君之老使於使者之使去辭○寡君之老

言天子內外官之制與諸侯○天子穆穆諸侯皞皞大夫濟濟士

跄跄庶人僬僬僬于宵反○穆穆幽深和敬之貌皞皞壯盛顯明

僬趨走促數之貌呂氏天子之妃曰后諸侯曰夫人大夫曰孺人

士曰婦人庶人曰妻記配同大夫曰孺人士曰婦人古經傳無所

之儀與后夫人至於庶人妻之○公侯有夫人有世婦有妾

諸侯自夫人以下殺於天子也夫人自稱於天子曰老婦自稱於諸侯曰寡小君

自稱於其君曰小童自稱於天子者畿內諸侯之妻助祭於王后

不足以任事不以婦稱非所以事人應氏曰有年者可稱老婦其

始嫁者蓋亦稱婦而以卑小之名配之與古者諸侯相享夫人與

故有自稱於諸侯之禮小君稱寡者亦
自世婦以下自稱曰婢

從君為嫌之詞小童者未成人之稱也
子婢之言 于於父母則自名也 自稱其名 列國之大夫入天子之

國曰某士自稱曰陪臣某於外曰子於其國曰寡君之老使者自

稱曰某 某士如晉韓起聘於周攝者曰晉士起之類豈列國卿大

而已又為諸侯之臣如家臣之於諸侯也曰子者如齊高子來盟

於魯之類曰寡君之老者謂其國以此自稱曰某者謂使他國而

稱於其君也以上章使於諸侯推之此豈謂下大夫 ○天子不言

與此章言諸侯內外官之制及其稱名之禮也 出諸侯不生名君子不親惡 呂氏曰賢者貴者皆謂之君子天子

足以君天下而位號存焉耳諸侯不生名惟死而告終乃名然有

生名者德不足以君其國而位號存焉耳故天子不書出諸侯不

生名皆謂君子 諸侯失地名滅同姓名 此申上文也陳氏曰言出

不親惡故也 居於鄭是也生名所以賤之春秋書以蔡侯獻舞歸以其失地書

衛侯毀滅邢以其滅同姓是也然春秋書天王居於其地者二而

不言山諸侯失地而奔者十五減同姓者三而或不生名莫非出
居而事有異同莫非失地減同姓而罪有輕重故也○此章指言
王侯法戒之義以
○爲人臣之禮不諛諛三諫而不聽則逃之

謂各章之意也
君臣以義合也其義與交友畧同亦忠告善道不可則止之意也
○陳氏曰孔子之於魯百里奚之於虞未嘗諫而去龍逢之於夏
比干之於殷則死於諫而不去何也輕重
可否君子以義爲衡迹雖不同其趨一也
子之事親也三諫而不

聽則號泣而隨之
諫不從又敬不違勞而不怨是也
君有疾飲藥
臣先嘗之

視有疾飲藥于先嘗之醫不三世不服其藥
疾於君親尤慎也然猶必醫三世乃服者昌氏謂其治人多
用物熟功已試而無疑故也○此章言事君事親之異同也○擬

人必於其倫
疏曰不待以貴比賤爲不敬也○方氏曰禹稷顏回
俱以爲聖孔門以有若似孔子俱以爲賢愚思伊尹迹不同矣孟子

以管晏願孟子則不知王霸之業不倫也愚按方說備矣則疏止
以貴賤言者似淺也然以下文推之此句蓋問天子之年以下問

九條發端之詞方氏意雖善而議未合疏則引其端而未發耳問

天子之年對曰問之始服衣若干尺矣

若干者未定之詞。禮記食貨志千箇也。謂如此箇數。

也。自國君以下皆以事對而天子止對以服之尺數者。不敢質言至尊之意也。疏曰。謂冲主新立或遠方異域人來問而其臣答之如此下文問。

問國君之年長曰能從宗廟社稷之事矣。幼曰未能

從宗廟社稷之事也。

長上聲下同。○為國以禮禮莫大於祭宗廟社稷。故能則知其長未能則知其幼也。

大夫之子長曰能御矣。幼曰未能御也。

不問大夫士之年而問其子者。古者四十始仕。五十

始服官政。大夫士之長幼不待言也。御謂御車。大夫不徒行。其子有御之道也。○疏曰。御謂主事也。官有世功。子學父業。故御事也。

問士之子長曰能典謁矣。幼曰未能典謁也。

典主也。謁請也。士賤無臣。故自主賓客告

請之。問庶人之子長曰能負薪矣。幼曰未能負薪也。

負薪者庶人力役之事也。

亦止問其子者。古者庶人問國君之富數地以對。山澤之所出。數

三十而受田亦不待問也。問國君之富數地以對。山澤之所出。對也。

聲下。數畜之數同。○數數之也。蓋數其地而以山澤之所出對也。地廣狹有定數。故數之。或百里七十里五十里是也。山澤所出無

定數則即其在境內者對之而已如問大夫之富曰有宰食力祭

器衣服不假宰邑宰也有宰則有采地而得食下問士之富以車

數對上士三命得馬車問庶人之富數畜以對庶人田有定制唯

以對○此章言天子以下稱答之倫也○天子祭天地祭四方望山川祭五祀歲徧

諸侯方祀祭山川祭五祀歲徧大夫祭五祀歲徧士祭其先冬日至祭

大夏日至祭地四時各祭其方以迎氣又各望祭其方之山川又

五祀春祭戶夏祭竈季夏祭中霤秋祭門冬祭行此天子歲徧也

諸侯有國必有方如東諸侯則惟春祭其東方也山川亦惟在境

內者祭之其同於天子者惟五祀而已此諸侯歲徧也餘放此○

呂氏曰祭法天子立七祀加以司命泰厲諸侯五祀有司命公厲

而無戶諸大夫三祀有族厲而無中霤戶憲士二祀則門行而已

然考於經皆不合曾子問稱天子未禴五祀不行士
喪禮自天子至士皆祭五祀則祭法言涉不經也
凡祭有其廢
之其敢舉也有其舉之與敢廢也非其所祭而祭之名曰淫祀淫

祀無福

鄭氏曰廟之舉之若廢人廢社祀棄後人不得廢棄祀程也呂氏曰廢之莫敢舉如已毀之宗廟已廢之社稷也舉

之莫敢廢如已修之壇壝已正之昭穆也非其所祭謂非其所當祭者若魯之郊壇及祀夏居旅泰山是也注通也神非享故無福

天子以犧牛諸侯以肥牛大夫以索牛士以羊豕

毛純曰犧體充曰肥二者皆在

犧三月然後用之大夫則臨時索用

支子不祭祭必告於宗子

疏

而已故稱索也士不用牛又降矣

支子不祭祭必告於宗子

疏

祖廟廟在宗子之家庶子時不敢祭若宗子有故則庶子攝祭然猶必告於宗子也呂氏曰別子為祖繼別為宗百世不遷者大宗

也繼繼繼祖繼父祖繼高祖五世則遷者小宗也支子不祭蓋亦

諸侯不敢祖天子大夫不敢祖諸侯之義或宗子為士庶子為太

夫以上則亦得特祭於宗子之家然其祝曰孝子某為介子某為

其常事則雖用其薦不敢專其事也其宗子去在他國則又子攝

主以祭而其禮殺矣恩按二條雖微凡祭宗廟之禮牛曰一元大

武豕曰剛鬣豚曰肥腍羊曰柔毛雞曰翰音犬曰黃犬

音突○元

頭也武足跡也豕背毛也豚充滿也翰音謂振翅長鳴也豕特牲

禮所謂羹臠醢黍稷之通稱也茲牛肥則跡大豕肥則鬣剛豚肥則

體充滿羊肥則毛柔細雞肥則鳴雉曰疏趾兔曰明視疏開也雉
長大肥則美矣此言畜類之善也此通畜獸而言肺之善也
兔肥則視明也此肺曰尹祭尹正也肺欲剪割方正也
言食穀類之善也肺曰尹祭此通畜獸而言肺之善也
祭鮮魚曰脰祭用之也脰挺然而直也此言魚之善也
水曰清酌水挹注則流酒縮沙則清水清則可漚酒
梁曰薌其稷曰明來稻曰嘉蔬薌音香其音薌蔬同○薌猶香
然則結故自成功而言薌合衆質生獨盛故自本體而言薌其柔
所謂柔盛明神明之也木五穀之通稱而獨稱以者稷為五穀之
氏猶后稷名官也故名神之意也疏稷也嘉美也曰豐木鹽曰鹹
也兩稱則美柏尤覺齊故名也此言盛之善也
鹹者成鹹才何切○豐盛也木根也此約言
之善也鹹其味鹹也鹹鹽名此約言味之善也
玉曰嘉玉幣曰
璫幣也○此章明天子以下祭祀之制而發其義以及其物也

○天子死曰崩諸侯曰薨大夫曰卒士曰不祿庶人曰死在牀曰

尸在棺曰柩羽鳥曰降四足曰漬死寇曰兵謂如山之崩也

詞也卒終也酒全而歸之意正詞也不祿者言不能辦享其祿

惜詞也既則消盡無餘而已尸之言陳也古入病將絕下置地間

以受生氣必不生而後陳尸在牀以殯也呂氏曰柩久也此化者

無使土親膚故棺欲久也四足謂獸也漬謂體屬漸漬也動物敗

而腐翔物降而下則死也兵者死於寇難之稱祭王父曰皇祖考王母曰皇祖妣父曰皇

考母曰皇妣夫曰皇辟辟音辟曰王曰皇皆以君尊之也考成

宗廟以鬼享之故其詞如此不言王父母以上生曰父曰母曰妻

者適士二廟得及其祖考蓋指士禮而言與

死曰考曰妣曰嬪此因上父母考妣而壽考曰卒短折曰不祿

大夫曰卒士曰不祿稱以爵也此蓋堪為大夫士而不為者故考

終則從大夫之稱以尊之短折則從士之稱以惜之以致尚德之

意也○此承上章祭祀之意○天子視不上於衽不下於帶國君綏

意以明人道始終之義也

視大夫衡視士視五步拾音叔綏註音安一讀如字○天子視兩

視天子也餘放此拾曲頤也綏頤下視兩

如執綬然也。衡平也。言視天子不得上於領而視其而下於帶而視其下尊之至矣。視國君則得視其帶之上而猶在國之下如執綬然。視大夫始得正視其面所謂平衡也。然皆不旁視而得旁視左右五步間者。惟於士為然。蓋自天子以下其視漸高以飾而物必以禮。凡視上於而則倣下於帶則憂傾則姦者氣驕故知其微下於帶者神奪故知其憂傾則流視心必不正故。○村命大夫與其姦此君子所以慎也。此又泛言視之則也。

士肆在官言官在府言府在庫言庫在朝言朝。肆音異。朝音制。下

文書之類府者貨財之類庫者器械之類朝者政事之類言大夫士以君命有所肆習則隨其所有務各講明而切究之蓋君以制命為義臣以朝言不及大馬。以其微且賤也。輟朝而朝不有異事必有異

慮故輟朝而朝君子謂之固。輟罷也。朝回視也。異猶他也。事以行

言明儀當盡難。在朝言禮問禮對以禮。言自言也。謂或言或問或

罷朝必謹也。在朝言。○大饗不問卜不饒。高木條諸說不一。註曰不問卜者祭

親之節。○大饗不問卜不饒。高木條諸說不一。註曰不問卜者祭

已曲禮下。卷一。五帝於明堂莫適卜也不饒高者

富之言僦取備而已勿多於禮也疏曰此大饗總祭五帝若以其
牲日不得每帝問卜恐其神非一吉凶不同也註云莫適卜蓋總
一卜而已註知大饗為祭五帝於明堂者以月令季秋大饗帝諸
帝皆在不得每帝問卜若其祫之大饗則周禮宗伯饗大鬼皆卜
不得云不問卜故知非大祫也呂氏曰冬至祀天夏至祀地日月
有常故不問卜祭之日墮地以祭牲用積酌用陶匏席用葉稭視
天下之物無稱其德者故不饒富也思接郊特牲郊用辛則月有
三辛合卜用辛之且立春伏又有卜郊之交皆未云不卜也考祀
五帝祫羣廟饗羣侯皆謂之大饗而郊特牲大饗次於郊之下則
註疏之以大饗為祀五帝者得之而呂說之以大饗為郊祀殆非
矣但記直稱不問卜註以莫適卜釋之而疏謂不每帝皆卜總一
卜而已恐非經之本意且周禮饗大鬼用卜亦非指大祫而言即
指大祫亦可以不皆卜而總一下釋之矣又安得 ○凡饗天子也
以此定祀五帝與祫羣廟之異禮乎學者詳之
諸侯主卿羔大夫雁士雉庶人之醵匹 饗皆同執以相見之禮也
饗相黍為酒曰和也相以
饗金曰饗也以其芬芳條鬻故名天子無客禮其醵川以禮神而
已諸侯通五等而貢圭璫相信躬設蒲而言凡皆比德於玉也羔
取其羣而不失類且潔素也雁取其知時且飛有行列也雉取其
性耿介且又飾也家見曰醵取其不飛鵬如庶人之守田畝也

童子委綽而退

委放也委而退明不敢與成人為禮也其綽然亦用旅人與

野外軍中無難以

綏拾矢可也

野馬監也拾則備也矢箭也或謂馬監也拾則備也矢箭也或

婦人之輩根柢脯

脩藥栗

根柢栗根柢藥栗四果名脯脯二肉名皆神婦見男以藥栗見姑以脯脩左傳女歸不遇棹栗齎脩以告虔也此

之謂也○此章歷言凡舉見之禮

○納女於天子曰備百姓於國君曰備酒漿於

大夫曰備掃灑

備百姓者以下事上也備酒漿者以內贊外也備掃灑者以勞承逸也此言納女皆不敢以儉自

期而為自昇之詞也○按祭法王侯皆備百姓而唯稱於國君者身君也故
國君止備備酒漿而大夫止備
備掃灑而已此命昇之殺也